

Omwoyo Omutukuvu Kye ki?

Jeffersonville, Indiana, USA

Desemba 16,1959

1 ... kibadde kizibu okuba n'okukuŋjaana. Olukuŋjaana luno lwakubeera lwanjuwulo ku ezo ze tubaddenga nazo wano. Ebiseera ebisinga obungi, buli bwe tujja wano, lubeera lukuŋjaana Iwa... olw'okuwonyezebwa kw'abalwadde n'olw'ebyetaago eby'omubiri. Ng'essira liteereddwa ku ebyo. Naye leero, tutandise okuzzibwa obuggyga kuno okw'okuwonyezebwa kw'emmeeme, Omwoyo w'omuntu.

Weewaawo, Mukama ng'asiimye, amakya ga Sande, ku Sande Sukuulu, Sande ku makya, tujja kubeera n'okusabira abalwadde, n'olunyiriri olwa bulijjo olw'okuwonyezebwa, ku makya ga Sande, Mukama ng'asiimye. Era biro bya wiiki zino, tusuukundibwa okwogera ku bintu by'emmeeme ebitaggwaawo.

2 Kat, tumanyi nti o-omubiri bwe guwonyezebwa, ekyo kitufuula abasanyufu ffena, kubanga tumanyi nti kiragira ddala nga Katonda waffe awonya abalwadde. Naye omuntu oyo omulwadde, bwe babeerawo ekiseera ekiwanvu, bayinza okulwala nate oba oli awo obulwadde bwe bumu bwe baawonyezebwa, era ekyo tekiggyawo kuwonyezebwa. Omusawo ajja kukuwa eddagala lya Lubyamira, oba oli awo ennaku bbiri nga ziyyiseewo bajja kufa Lubyamira oluvannyuma nga amaze okubalandirira nti baali baawona. Kiddamu nate. Naye emmeeme eyo bw'ewona olina mu ggwe obulamu obutaggwaawo.

Era nzikiriza nti tuli kumpi n'okujja kwa Mukama Yesu, nti kitugwanira okukola kyonna kye tusobola okuleeta buli mmeeme eri Obwakabaka, n'okuleeta Obwakabaka eri abantu, nti tusobole okuwonyezebwa Emoyo gyaffe. Nzikiriza nti omubiri gwa Yesu gwe gusingayo okubeera omulwadde ku gye mmanyiyo; ogwo gwe-gwe mubiri, ogw'omwoyo ogwa Kristo ku nsi, mulwadde nnyo.

3 Era kat, tetuteekateeka kubakuumira wano kaseera kawanvu kiro kino, kubanga ekiro ekisooka tetuba na bbanga wa kutuza mikwano gyaffe abaagalwa. Tuli mu mulimu gw'okuzimba ekkanisa empya, ekkunjaañiro eddene wano ku bubenja buno, oba wonna Mukama gy'anaatukulembra; naye nga bwe tumanyi, wano.

Era kat tuwaddeyo olukuŋjaana. ku lw'okusatu okutuuka ku Sande. Naye olwo ku Sande, kwe kuggalawo ennaku enkulu ez'amazaalibwa, naye ki... buli wonna Mukama w'atugamba okukoma ekyo kye kinaaba ekiseera. Tetumanyi ebinaavaamu bwe binaabeera. Naye okukkiriza nti abantu wano ku kkunjaañiro n'amakanisa bwe tukkiriza ekimu (ago, agamu ku go- lye-ly'ekkuŋjaaniro lya *holiness* mu Utica, ow'Oluganda Graham Snelling gy'ali nga ye musumba, ne mu Newa Albany ow'Oluganda Junie Jackson nga ye musumba era ne ku luguudo mwasanjala ow'Oluganda Ruddell ye musumba), Ffe era nago, amakanisa ge tukolagana nago ag'ekkuŋjaaniro lino, tugezaako okuleeta... abantu baffe mu kussa ekimu okusinga Kristo. Ekyo kye kigendererwa kyaffe. N'olwekyo, Nnalonze okusoma n'okuyigiriza ku, biro ebitono ebiddako.

4 Ekiro kya leero Njagala kwogera ku ky'okuyigako ekya: *Omwoyo Omutukuvu kye ki?* Ate enkyo ekiro++, Era ekiro kye nkya Njagala okubuulira ku: Yaweebwa ku Iwaki? Ate ku lw'okutaano ekiro... Era, eri abakwata entambi, Ssaagala buno obw'ekiro ky'olw'okutaano bukwatibwe ku ntambi,, *Nfunya ntya Omwoyo Omutukuvu era Mmanyia ntya nti Mmulina?* Olwo tujja kuleka bulesi, era tulabe Mukama gy'anaatukulembra, ku Lw'omukaaga ne Sande. N'amakya ga Sande, okusaba okw'okuwonyezebwa ate n'okwokubuulira Enjiri ku Sande ekiro.

Era kat twagala buli muntu okumanya nti... Era mmanyi nga okukwata entambi kugenda mu maaso emabega eyo mu kisenge era na kino twagala tukyogere. Kubanga, mu nkunjaana nga luno, naddala olw'ekika eky'okubuulira Enjiri, tulina abantu okuva mu makanisa g'ebibiina by'amadiini eby'enjawulo, nga bayigiriziddwa mu ngeri bo gye bakikkirizaamu, buli bamu. Era ekyo kirungi. Ssaagalangako kubaako musango olw'okusiga enjawukana mu b'oluganda. Era eyo ebweru mu nkunjaana, Mbuulira bubuulizi ku mazima g'enjiri ag'amaanyi ag'Ebyawandiikibwa, ku ekyo abateeka ssente mu nkunjaana zange kye bakkiririzaamu. Naye, wano mu kkunjaañiro, Nja-Njagala okwogera ku kiki kye tukkiriza. N'olwekyo, bw'oba nga-bw'oba nga tokitegeera, nsanyuka nnyo okubeera n'akabaluwa oba akapapula akantegeeza okuva gy'oli, okumbuusa ekibuuozo ekya-ekya Iwaki nti tukkiriza bwe tutyo. Olwo mba musanyufu okugezaako okukinnyonyola mu ngeri esingawo gye nsobola.

5 Mumanyi, nga buli kkanisa, bw'emubeera nga temulina njigiriza, temubeera kkanisa. Oteekeddwa okubaako n'ekintu ky'oyimiririra, ennono ezimu ze muba musimbyeko. Ng'oggyeeko omuntu by'akwatagana nabyo, oba ekibiina ky'eddiini kyonna kye kiri, omuntu oyo bw'aba yazaalibwa Omwoyo wa Katonda, oyo aba muganda wange ate mwannyinaze, ka kibe ki...Tuyinza Okwawukana mu bintu ebirala ng'obuvanjuba bwe buli ewala n'obugwanjuba, naye tusigala tuli baluganda. Are tewali kye nsobola okukola okuggyako okuyamba ow'Oluganda oyo okutambula ng'asemberera Okumpi,n'okutambula okusingayo ne Kristo. Era nzikiriza na buli mukkiriza owannammaddala, yandinkoledde ekintu ky'ekimu.

6 Kat, Nsabye ekkuŋjaaniro lino... Kat, tetugenda kukiyingiramu kino, olw'olukuŋjaana oluwanvu. Njagala okuyingira mu kino, era mbeetaaga, mbasabye, mwokye buli lutindo olubali ennyuma wammwe, na buli kibi mukirongoose mutereeze, nga bwe tujja mu kino na buli kintu kyonna ekiri mu mitima

n'obulamu bwaffe. Tuteekeddwa okujja wano olw'ekigendererwa kyaffe ekimu kiti, kwe kweteekerateekera okudda kwa Mukama waffe era nga tewali kirala kyonna. Nga bwe njogedde era nga bwe nñambye, nti oba oli awo olumu nsobola okusomesa oba ne njogera ekintu ekimu ekiyinza okwawukanako ku ky'omuntu omulala, ng'engeri gye bakikkirizaamu. Ssazze ku- okuwakana, Mukiraba ndowooza, Nn-Nnazze...Tuli wano kuteekateeka kujja kwa Mukama.

7 Era ndowooza nti akabiina kano akatono...

Nnina wano ab'oluganda abakyadde be mmanyi, okuva mu bifo eby'enjawulo, era tuli basanyufu okuba nabo. Awatali kubuusabuusa kwonna, naye abali mu kibiina eyo, mulimu abalala abavudde wabweru w'ekibuga, okuva mu bubuga obutono wano. Era tulina essanyu okubeera nammwe, n'okubasiima ennyo mmwe, bwe mutwagadde ennyo ne mujja wano okuwulira ebintu bino. Katonda... Kwe kusaba kwange nti, muganda wange ne mwannyinaze, oddeyo eka n'obugagga obw'omuwendo Katonda bw'anafuka mu mutima gyammwe, kwe kusaba kwange.

8 Era eri ekkunjaaniro lino ettono, okulaba nga nzikiriza nti beebamu ku bantu abamu abasiga obulungi ennyo be nzikiriza abali ku nsi, nga bagenda mu kkuñjaaniro. Kati, ssigambye, "bonna" abantu abasingayo obulungi. Nnagambye abamu ku basingayo okubeera abalungi ku nsi bagenda mu kkuñjaaniro lino. Naye buli lunaku oluyitawo, okuva mu lukunjaana okuyingira olukunjaana olulala, Ndabye obwetaavu obunene obw'ekkunjaaniro lino, obwetaavu obukulu mu lyo, kye ky'okujjuzibwa, oba okwetukuza, oba okwewayawula, mu bulamu obw'ebuziba, okutambula okumpi ne Mukama. Era mbasuubizza okukikola kino, okubafunira obubaka buno. Era tuli basanyufu okubaleeta okujja okukunjaana naffe ku Kigambo kya Katonda, nga bwe tuyigiriza n'okugezaako okukireeta.

Kakaati, ebiro ebisatu ebisooka tujja kubeera nga tetutwala kya kuyigako okukibuulirako, naye bubaka okuva mu Kigambo kya Katonda.

Era kati, ku lwo, sisaba muntu yenna kukola kintu kyonna nze kye ssisobola kukola nze kennyni. Kale wiiki eno ebadde Kalivaaliyo gyendi. Kabuze kata nkuate ekifu, oba okusiimuuka nga bwe nnyinza okukyogera, okutuusa we mbeeredde nga ssetegeera. Naye buli kwagala nkuwaddeyo, na buli kye mmanyi, eri Mukama.

9 Ekiro kiri, awo ng'ettumbi liyiseeko, mukyala wange nange, nga tumaze okutuula, okusaba n'okwogerako ne Mukama, ku katebe mwasajutte mu ... mu kisenge kyaffe eky'omu maaso ne Baibuli bbiri embikkule, tweyawula okudda obuggyra eri Katonda, olw'omulimu gw'okuweereza omujjuvu, okuwaayo okwagala kwaffe kwonna, na buli kimu, na buli kirowoozo ekikyamu, era n'okuweereza Mukama Yesu.

Era nneesiga nga nsuubira nammwe y'ebadde endowooza yammwe, nti nammwe mukoze ekintu ky'ekimu. Awo bwe tuba tujja olwa leero, tujja mu bifo ebitukuvu, mu bantu ababaddde basaba ate nga basiiba, nga twewaayo, n'okwetegeka okubaako kye tufuna okuva eri Katonda. Era mmanyi nti oyo anaajja nga tuyala, tajja kuddayo nga tuyala wabula Katonda ajja ku mulisa n'Omugaati ogw'Obulamu.

Kati nga tetunnasoma mu Kigambo kye ekitukuvu, leka tukoteke emitwe gyaffe akaseera katono olw'okusaba.

10 Mukama, wabaddewo okusaba okumaze okuweebwayo mu kifo kino olwa leero. Wabaddewo... Ennyimba za Sayuuni ziyimbiddwa abaana Bo. Emitima gyabwe gisituliddwa. Era nga tuzze wano okwewayawula gy'Oli, n'okukusinza Ggwe okuvira ddala ku ntobo y'emmeeme zaffe. Era kino tukikujjukiza, Mukama, kubanga ekyo kye wayogera bwe watuula ku lusozi n'oyigiriza abayigirizwa Bo, nti, "Balina omukisa abo abalumwa enjala n'ennyonta ku lw'obutuukirivu, kubanga abo balikkusibwa". Wakisuubiza, Mukama. Tujja leero n'emitima emyanjulukufu. Tujja, tuli bayala ate abayonta, nga tumanyi nti Ojja kukuma ekisuubizo kyo.

Nga tufuba okubikkula empapula zino eza Baibuli Entukuvu. Okuzisomamu ebirimu, Omwoyo Omutukuvu k'abitwale ku buli mutima. N'ensigo eyo k'eggwe munda mu buziba, n'okukkiriza okugagga Okusobola okuleeta buli kisuubizo Ekigambo kye kikoze. Tuwulire, Mukama, era otulongoose, n'okutugezesza. Bwe mubaamu ekintu kyonna ekitali kirongoofu ku ffe, Mukama, ekibi ekitali kyatule, oba ekintu kyonna ekitali kirungi, kibikkule kati, Mukama, tujja kugenda butereevu tukirongoose, kubanga tukitegeera nga tuli mu bisiikirize by'okujja kwa Mukama Yesu. Era tulina, Ai Katonda omutukuvu, tujja mu bisiikirize by'obwenkanya Bwo leero, twegayirira olw'okwewaayo okuggyra, n'okwetukuza, n'okujjuza Omwoyo Omutukuvu mu bulamu bwaffe.

Bwe tulaba ng'omuliro gw'okudda obuggyra nga guzimeera, leka tukasukeko enku z'Ekihambo zisobole okukuma omuliro omupya, nti emitima gyaffe gjijule okuyaayaana. Tutukuze Mukama, okuyita mu Kigambo Kyo eky'omuwendo awamu n'Omusaayi Gwo, n'ekisa Kyo, twegayirira. Okwebaza kwonna awamu n'ettendo bijja kuba bibyo. Twala effubitizi lyonna mu mitima gyaffe. Tutukuze, Ai Mukama, otuwe emitima emyerufu, emikono emiyonjo, n'endowooza ennungi, tusobole okujja mu weema Yo, kiro ku kiro, nga tujaguza nga tujuzziddwa n'Omwoyo Wo Omutukuvu. Kino tukisaba mu Linnya Lya Yesu ne ku Lulwe.

Amiina.

11 Njagala okusoma Ekigambo kati. Era nga bwe.... Mbasaba muggyeyo Baibuli zammwe, amakalaamu gammwe, empapula zammwe, olw'Ebyawandiikibwa. Bwe muba nga mukyagala mutyo, Kyandibadde kirungi nnyo. Kale kati nga bwe mugenda mu ssuula eyo 7 ey'ebikolwa by 'Abatume, okutandika ne; okwanukula ekibuuozo oba okutandika okwanukula ekibuuozo: *Omwoyo Omutukuvu Kye Ki?*

Tewaaliwo kijja kuwangula Setaani, Tewabangawo kintu kyonna ku nsi ekyali kiwangudde Setaani, ng'Ekigambo kya Katonda. Ne Yesu yakikozesa mu lutalo lwe olw'amaanyi; Yagamba nti, "Kyawandiikibwa..."

12 Era amakya ga leero, bwe mbadde mpuliriza ennaku nga ntono eziyise, ku byali ku mpewo ebyalabika ng'ebiyayagala okutegeeza nti ebitonde byava mu vvu eryafuumuuuka ne lyegatla awamu, n'omunnnu ogumu, n'ebirungo by'ensi ebitonotono awamu n'ebbugumu ly'omusana byatonda akaweke k'obulamu ne kaleeta obulamu. Nga kya bulalu ekyo! Ng'ate omusana gutta buli kaweke ak'obulamu. Teeka akaweke mu musana, gujja kukatta mbagirawo. Era ekintu ng'ekyo tekiriyo; kyokka Setaani ng'agezaako okukimpacca. Bwe mbadde mmaze okutwala Rebekah wange omuto ku ssomero enky ya leero, nga ndi mu kkubo nkomawo, ne nziramu okuzzaako Ladiyo nga nsuubira nga nnyinza okudda mu bintu ng'ebyo ntyo ne ngigyako.

Kati bwe mbadde nnyambuka mu luguudo, Setaani n'anjjamba nti, yanjjmbye nti "Obadde omanyi nti omussajja ono gw'oyita Yesu yalinga omuntu omulala, olumu mu lunaku lwe, nga bw'olaba Billy Graham, Oral Roberts. Yali muntu buntu mbu ne batandika okumufunira abantu okumwetooloola, ne batandika okugamba nti mussajja w'amaanyi, era bwe waayitawo akabanga n'afuukira ddala ow'ekitalo, olwo n'afuuka katonda gye bali. Kati kyonna kibunye ensi yonna, olw'okuba yafa, ky'ekyo."

13 Ne ndowooza "Nga oli mulimba!" olwo ne nkyuka bwe nnabadde nsala oluguudo Iwa Graham. Ne njamba nti, "Setaani, ggwe ayogera n'endowooza yange, nange ka nkubuuzeeyo ebintu bitono. Yali ani oyo ba nnabbi Abaebbulaniya gwe baayogerako eyalina okujja? Ani yali Masiya omufukeko amafuta? Kiki ekkyo ekyali ku basajja abaalaba ne boogera ku bulamu Bwe emyaka lukumi nga tannaba kujja? Ani yali ekkyo ekyalangibwa nga tekinnaba kubaawo ate ne bituukirira? Era bwe yajja, ne balyoka bagamba nti, 'Yabalibwa wamu n'aboonoonyi,' era Yali. 'Yafumitibwa olw'okusoby kwaffe,' era Yali. Entaana Ye yali wamu n'abagagga, era Ye yali wakuzuukira, olunaku olw'okusatu,' era Yakikola. Kale n'Asuubiza Omwoyo Omutukuvu, era mmulina. N'olwekyo seguka oveewo, kubanga kyawandiikibwa mu Kigambo, era na buli Kigambo mazima." Awo n'alyoka avaawo. Muwe buwi Kigambo, ekkyo kimala. Tasobola kuguminkiriza Kigambo ekkyo, kubanga kirunjamiziddwa.

Ka tutandike n'okusoma leero mu ssuula ey'omusanvu ey'Ebikolwa by'Abatume.

Kabona asinga obukulu n'ayogera nti ebyo bwe biri bwe bityo?

Sutefano n'agamba nti abasajja ab'olunganda era bassebo, muwulire. Katonda ow'ekitiibwa Yalabikira Kitaffe Ibulayimu ng'ali E mesopotamiya, nga tannabeera Kalani,

n'amugamba nti va mu nsi yannyo ne mu kika kyo, ogende mu nsi gye ndikulaga.

Awo n'ava mu nsi y'Abakaludaaya n'abeera mu Kalani: oluvannyuma kitaawe bwe yamala okufa n'amugyayo n'amuleeta mu nsi eno mwe mutudde mmwe kaakano;

so teyamuwa butaka muno newankubadde awalinnyibwa ekigere: n'asuubiza okugimuwa okugirya, ye n'ezzadde lye oluvannyuma lwe, nga tannaba na mwana.

Katonda n'ayogera bw'ati ng'ezzadde lye baliba bagenyi mu nsi y'abalala; balibafuula abaddu, balibakolera obubi emyaka bikumi bina.

N'eggwanga eriribafuula abaddu nze ndisala omusango gwalyo bwe yayogera Katonda: n'oluvannyuma balivaayo balinsinziza mu kifo kino.

N'amuwa endagaano ey'okukomola: awo Ibulayimu n'azaala Isaaka, n'amukomolera ku lunaku olw'omunaana: ne Isaaka n'azaala Yakobo: ne Yakobo n'azaala abassajja ekkumi n'ababiri.

14 Mu kifo kino, twagala oktuuka ku ky'okuyigako, kye ndowooza eky'enjawulo eky'okuyigako ekya leero ekya... *Omwoyo Omutukuvu Kye Ki?* Kye ki ekkyo? Era kati ensonga endeesenza eky'okuyigako mu ngeri eno, tosobola kufuna Mwoyo Mutukuvu oktuusa ng'omanyi kiki ky'Ali. Ate era tosobola ku mufuna, bw'oba ng'omanyi ky'Ali, oktuusa ng'okkiriza nti yakuweebwa, era nti wuwo. Kale olwo tosobola kumanya oba omulina oba nedda, oktuusa ng'omanyi by'aleeta ng'omulina. N'olwekyo bw'omumanya ky'Ali, era nga waani era na bikolwa ki by'aleeta bw'ajja, kati olwo ojja kumanya ky'olina bw'onoomufuna. Olaba? Ekyo kiba kimala bumazi.

15 Kiringa bwe nnabadde njogera n'Owoluganda Jeffries leero, n'anjjamba nti "Nnaandyagadde okubeera

mu lukuŋjaana ekiro kya leero, naye nya kubaayo enkyo ekiro." Teyategedde nti olukuŋjaana lwabaddé lugenda mu maaso, kubanga tetwalulanze; awo wennyini. Abamu ku... Ow'oluganda Leo n'abalala bawandiikidde mikwano gyaffe egimu ne babagamba, abali wabweru w'ekibuga. Kirungi, kubanga tetwabaddé na bbanga.

Kati ne njamba , "ow'Oluganda Jeffries, bw'onontuma e mmanga eyo ku lumu ku nzizi z'amafuta, era nnabadde sirina kye nkimanyiiko. Oba oli awo nnaandimwokyezza. Nnaandikutte ku kisumuluzo ekikyamu oba okutandika nnamuziga enkyamu. Nnaandibadde nteekwa okumanya engeri y'okukikolamu nga sinnaba ku kikola."

Eyo y'engeri y'okufunamu Omwoyo Omutukuvu. Oteekwa okumanya kiki ky'ojjirira n'engeri y'okumufunamu, na ngeri ki gy'omufunamu, na kiki ky'ali.

16 Kaakati, ekisooka,Omwoyo Omutukuvu asuubiziddwa. Tusobola okutwala wiiki kkumi ne tutta... tujja kugenda butereevu ku kinyusi ky'essomo lino, Omwoyo Omutukuvu kiki ky'Ali. Naye, ekintu ekisooka, njagala okukigendamu mu ngeri ennambulukufu nga mbawa ebifunze ebya buli kiro, olwo tulabe oba nga wasobola okubaawo ebibuuzzo byonna ekiro ekiba kiddako.

Bameka munda wano abatannaba kufuna Mwoyo Mutukuvu, nga wabatizibwa n'Omwoyo Omutukuvu? Wanika emikono gyo; ng'omanyi tonnaba kufuna Mwoyo Mutukuvu.Tunuulira butunuulizi emikono egyo.

Kati njagala ku kyogerako, Omwoyo Omutukuvu nga bw'Ali akabonero, kubanga Ye kabonero. Tukizuula ekijo, nti era ebisuubizo byonna bituweebwa na... Ibulayimu ye yali Taata w'ekisuubizo, kubanga Katonda yawa Ibulayimu ekisuubizo n'Ezzadde lye eririddawo. Ekisuubizo kyakolebwa "eri Ibulayimu n'Ezzadde lye." Era akabonero kano k'abantu ab'endagaano.

17 Kaakati, waliwo enjawulo nnene wakati w'Omukristaayo obukristaayo n'Omukristaayo eyajjuzibwa Omwoyo Omutukuvu. Era kati tugenda kufuna kino mu Kyawandiikibwa, era tukirambike bulungi mu Kyawandiikibwa. Mu kusookera ddala, waliwo omukristaayo eyayatula nti Mukristaayo. Naye Omukristaayo ono tanajjuzibwa na Mwoyo Mutukuvu, ali bubeesi mu mutendera ogw'okufuuka Omukristaayo. Mulaba? Ayatudde okukikkiriza; akolerera kukituukako, naye Katonda tannaba kumuwa Mwoyo ono ow'Omwoyo Omutukuvu. Tannatuuka ku kigendererwa ekijo ne Katonda, nti nga Katonda akikakasizza.

18 Kubanga, nti, Katonda yakola endagaano ne Ibulayimu, ng'amaze oku muyita, ekifaananyi ky'okuyita omukkiriza leero.

Yayita Ibulayimu, era Ibulayimu n'ava mu nsi ye n'agenda mu nsi engenyi, okutuula n'abantu abapya, ekijo ne kiba ekifaananyi kya Katonda nga bw'Ayita omuntu okuleka obukodo bwe, yeenenye ekibi kye. Olwo n'alyoka ava mu kibiina ky'abantu be yabeerangamu, abeere mu kibiina ekiggya, mu bantu b'ebika ebipyga.

Katonda bwe yazuula Ibulayimu okubeera omwesigwa eri ekisuubizo Katonda kye yali amuwadde, nti yali waakuba n'omwana, nga ne mu mwana ono ensi yonna mweriweebwa omukisa, olwo Katonda n'Alyoka akakasa okukkiriza kwe ng'Amuwa akabonero, n'akabonero ako kaali ka kukomola. Okukomola kabonero ka Mwoyo Mutukuvu.

Olunyiriri Iwennyini oluddako mu ssuula eno gye twakamala okusoma, bw'oba oyagala ku giwandiika. Era... Sutefano, n'agamba mu lunyiriri olwa 51:

Mmwe abalina ensingo enkakanyavu abatakolebwa mu mitima ne mu matu, mmwe muziyiza bulijo Omwoyo Omutukuvu; nga ba kitammwe bwe baakola, nammwe bwe mukola.

19 Okukomola kabonero ka Mwoyo Mutukuvu. Awo Katonda n'Awa Ibulayimu a- akabonero ak'okukomola bwe yamala okukkiriza Katonda ku kisuubizo Kye, n'alyoka afuluma okugenda mu nsi engenyi. Mulaba? Kaali kabonero.

Era abaana be bona n'ezzadde lye eririddawo, balina okubeera n'akabonero kano mu mibiri gyabwe, kubanga ke kaali kabaawula. Kaali ka kubaawula okuva ku bantu abalala bona, akabonero kano ak'okukomola.

Era ako Katonda k'Akozes a olwa leero. Ke kabonero k'okukomola kw'omu mutima, Omwoyo Omutukuvu, afuula Ekkanisa ya Katonda Ekkanisa enjawufu ku bikwate byonna, enzikiriza n'ebibiina by'amadiini. Bali mu bibiina bya madiini eby'engeri ez'enjawulo naye nga bantu ba njawulo.

20 Mpa omukisa njogereko n'omuntu eddakiika bbiri, nya kubangulira oba nga yafuna Omwoyo Omutukuvu oba nedda; era naawe osobola. Kabaawula. Kalambe. Kabonero. Era Omwoyo Omutukuvu kabonero. Ate ka...

Omwana yenna eyagaananga okukomolebwa mu Ndagaano Enkadde, ekyali ekisiikirize ekiranga

Omwoyo Omutukuvu, yasalibwangako okuva ku bantu. Yabanga tasobola kuba na kussa kimu n'abalala mu kibiina, Bwe yagaananga okukomolebwa.

Kati ekkyo kikwanagane ne leero. Omuntu agaana okubatizibwa kw'Omwoyo Omutukuvu, tasobola kussa kimu n'abo abalina Omwoyo Omutukuvu. Tosobola kukikola. Oteekwa kuba butundo. Nga bwe...

Mmange yateranga okugamba nti "Ebinyonyi ebifaanaganya ebyoya bibuukira wamu." Weewaawo, lugero olumu ku ezo enkadde naye lutuufu. Temusobola kulaba mayuba nga gassa ekimu ne nnamunjoona . Emmere yaazo ya njawulo. Enneeyisa yaabyo ya njawulo. Eby'etaago byabyo bya njawulo.

Bwe kityo bwe kiri ddala n'ensi n'Omukristaaayo, bw'oba ng'omaze okukomolebwa n'Omwoyo Omutukuvu, Ekitegeesa "okusalako ekikuta."

21 Okukomola kw'alinanga okuba mu kisajja kyokka. Naye omukazi bwe yafumbirwanga omussajja, yalinga kitundu, ku ye, olwo yabanga akomoleddwa wamu naye. Mujukira mu Timoseewo, we kyayogerera nti "Naye anaalokokanga mu kuzaala, bwe banaanyikiranga mu kukkiriza n'okwagala n'obutukuvu awamu n'okwegenderza."

Kati, okukomola. Mumanyi lwe... Saala bwe yasekera mu weema eyali emabega we, ku bubaka bwa Malayika, bwe Yagamba nti "Ibulayimu," bwe yali nga tamumanyi, omugenyi, nti "Ali ludda wa Saala mukazi wo?" yamanya atya nti yalina omukazi?

Nga Yesu bwe yagamba nti, "Nga bwe kyali mu nnaku za Lutti, bwe kityo bwe kiriba mu kudda kw'Omwana w'omuntu." Jjukira, obubonero obwo tebwali mu Sodoma ne Ggomola, mu nsi, mu bannaddiini. Naye bwali eri Mulonde, oyo ayitiddwaayo. Era Ibulayimu yali ayitiddwaayo. Ate n'ekigambo kkanisa kitegeesa 'ayitiddwaayo'; eyeyawudde, nga Ibulayimu bwe yali yeeyawula era ng'akomoleddwa.

Awo Saala bwe yaseka olw'obubaka bwennyini obwa Malayika, Katonda yali asobola okumuttirawo; kale nga tasobola kukosa Saala n'Atakosa Ibulayimu, kubanga baali omu. Yali kitundu kye. "Temukyali babiri nate wabula bali omu."

22 Bwe kityo, okukomola, Omwoyo Omutukuvu leero akomola mutima. Era kabonero, akabonero akaweebwa.

Luli, waliwo eyagamba... Kino nkiddamu buzzi, ssi ng'asaaga. Kubanga, ge mazima, naye gawulikika ng'olusaago. Nga bwe ntera okugamba, kino ssi kifo kya kusaagiramu. Naye waaliwo omu German omutonotono ku lubalama lw'ebugwanjuba, nga gye twali. Yafuna Omwoyo Omutukuvu. Olwo n'akkiria mu luguudo, ng'atambulako akabanga katono, n'alyoka ayimusa emikono gye n'ayogera mu nnimi. N'alyoka adduka, nga bw'abuukamu n'okuleekaana. Ne bwe yali ku mulimu, ng'akola bw'atyo ne mukama we n'atuuka n'okumugamba nti, "Obadde wa?" uh-huh.Nnyumirwa nnyo ebifo ebyo gy'obadde. N'agamba nti, "Olabika obadde mmanga eyo mu bazoole."

N'amuddamu nti, "Olwo lowooza bazoole?"

N'amugamba nti, "Ddala, kye bali."

Nnamuddamu nti, " Kirungi, Mukama agulumizibwe olw'abazoole!" Era n'agamba nti, "Ompanyi ssebo? Abazoole bazannya ekitundu ekisinga ebunene." N'ayongerako nti, "Okugeza, ebidduka, eby'omuliro, ggyamu nnatti zonna, tolina ky'ogenda kusigazaawo okuggyako ekintuntu ekiri awo." Ekyo kituufu nnyo.

23 Obeera wa njawulo Omwoyo Omutukuvu bw'ajja ku ggwe, okutuusa nga ne ndowooza y'ensi eno tekwagala, ate era nga bakulwanyisa, nga tebalina na kye bakwetaagako, yadde. Obeera ozaaliddwa mu nsi endala. Obeera mugwira nnyo, emirundi kkumi okusinga bwe Wandibadde, singa obadde oserengese eyo aweesudde ebibira by'Africa. Obeera wa njawulo Omwoyo Omutukuvu bw'Ajja era kabonero. Kalambe mu bantu.

Kati, olwo ogamba nti "Ow'oluganda Branham, akabonero ako ak'okukomola kaweebwa Ibulayimu?" Ekyo kituufu. "N'eri Ezzadde lye?" Yee. Kirungi.

24 Kale kirungi, tugenda kukyukirako mu Baggalatiya, essuula ey'oku 3, olunyiriri olwa 29, olwo tulabe n'egeri gye kiyinza okutuukana naffe. Abaggalatiya 3:29, tulyoke tulabe ngeri ki okukomola kuno gye kutuukana n'Abamawanga, bwe tuba Abamawanga; nga ne mu kuzaalibwa okw'omubiri kye tuli.

Kati, okusooka, njagala okusoma olunyiriri olwe 16.

Ebyasubibizibwa byagambibwa Ibulayimu ne ezzadde lye. (Ibulayimu n'ezzadde lye!) Teyayogera nti n'eri abazzukulu....

Ng'ekikula kyonna e kya... ogamba nti, "Ha, nange ndi zzadde lya Ibulayimu." Nedda. "Eri ezzadde," Ezadde lya Ibulayimu!

... so ssi eri abazzukulu, nga bangi, naye ng'omu. Era n'eri- eri bo... N'eri ezzadde lyo nga ye Kristo.

Kristo yali zzadde lya Ibulayimu. Ekyo okikkiriza? [Ekibiina kiddamu "Amiina"-Omuk.] Kale, ka tufune olunyiriri olwa 28 ne 29

Tewali Muyudaaya, newankubadde Omuyonaani, tewali muddu newankubadde ow'eddembe, tewali musajja na mukazi: kubanga mmwe mwenna muli omu Kristo.

Kale mmwe bwe muli aba Kristo, muli zzadde lya Ibulayimu, era muli basika ng'okusuubiza bwe kuli.

Tutuuka tutya okuba "Ezzadde lya ba Ibulayimu"? Bwe tubeera mu Kristo, olwo tuba zzadde lya Ibulayimu. Kati olwo ezzadde lya Ibulayimu kyali kiki? Nga, tusobola okugendako mu Baruumi 4 n'ebifo ebirala bingi.

Ibulayimu teyafuna kisuubizo bwe yali ng'amaze okukomolebwa. Kwali kulaga nti okukomola kyali kifaananyi, yafuna ekisuubizo nga tannaba kukomolebwa. Era kya kifaananyi okukakasa okukkiriza kwe okwo kwe yalina bwe yali tannakomolebwa.

25 Olwo kati, bwe tuba mu Kristo, tufuuka zzadde lya Ibulayimu, era abasika awamu ne Kristo, n'olwekyo, ssi nsonga kiki kye tuli, Muyudaaya oba Wamawanga.

Era, "Ezzadde lya Ibulayimu," Ezzadde lya Ibulayimu lirina okukkiriza kwe, abatwala Katonda ku Kigambo Kye. Ng'oggyeko engeri gye kirimu nga eky'obulalu, wadde engeri gye weeyisaamu etali ya bulijjo, engeri gye Kikufuulamu ow'enjawulo, otwala Katonda ku Kigambo Kye ng'oggyeko ekintu kyonna.

Ibulayimu ku myaka nsanvu mu etaano ne Salaayi nkaaga mu etaano egy'obukulu. Baatwala Katonda ku Kigambo Kye, olwo na buli ekyakontana nakyo baakitwala ng'ekitaali kyo. Olowooza Abasawo baalowooza ki, ku lunaku olwo? Olowooza abantu baalowooza ki, bwe baalaba omussajja omukadde, ow'emyaka nsanvu mu etaano egy'obukulu, ng'agenda wonna nga bw'asinza Katonda, nti yali "Agenda kufuna omwana" ne mukazi we, ow'emyaka enkaaga mu etaano, nga gy'emyaka abiri mu etaano ng'avudde mu nsonga z'ekiyala? Naye, mulaba, kikuleetera okweyisa obulala, okukkiriza kwa Ibulayimu.

26 Bw'okomolebwa n'Omwoyo Omutukuvu, kikola ekintu ky'ekimu gy'oli. Kikuleetera okukola ebintu by'otalowozangako kukola. Kikuleetera okutwala ekisuubizo kya Katonda era n'okukkiriza Katonda.

Kati, nakyo ng'oggyeko okubeera ekisuubizo ate akabonero, era yo nvumbo. Kati bw'ogenda nange mu Baruumi. Okusookera ddala, genda nange mu Abaefeso 4:30, era leka tusome wano mu Ddakiika ng'emu.

Abaefeso 4:30 agamba bw'ati.

Kale, owulidde n'abantu bangi aboogera ku bintu bingi nga babiyita envumbo. "Bw'ogenda mu kkanisa, mulinayo envumbo y'ekkanisa." Kyokka ate abantu abamu bagamba nti "Kwe kukuma olunaku gundi, olunaku Iwa Ssabbiiti, nti ekyo- ekyo y'envumbo ya Katonda." Abamu ku bo bagamba nti, "Bwe tussa obwa mmemba bwaffe mu kibiina ekimu eky'eddiini, tubeera tuteekeddwaako envumbo mu Bwakabaka bwa Katonda." Kale, Baibuli egamba nti, "Leka ebigambo by'omuntu bibeere obulimba, era ebya Katonda gabeere Amazima."

27 Kati Abaefeso 4:30 esoma bw'eti:

"So temunakuwanzanga Mwoyo Mutukuvu owa Katonda eyabateesaako akabonero okutuusa olunaku lw'okununulibwakwo.

Wano njenda kumyumyulamukko ku kino, kkakkanako. Kati mmwe baganda bange abatambulira ku mateeka, musirikeeko katono. Mulaba? Mwetegerezza ebbanga envumbo eyo lyemala? Si okutuusa okudda obuggyia okuddako, okutuusa nga waliwo ekisobyo. "Okutuusa olunaku lw'okununulibwakwo," bw'onunulibwa okubeera ne Katonda, eryo ly'ebbinga Omwoyo Omutukuvu ly'akuteekako envumbo. Ssi kuva mu kudda buggyia okutuusa ku kudda obuggyia; naye kuva mu Butaggwaawo okutuuka mu Butaggwaawo, obeera oteekeddwaako envumbo n'Omwoyo Omutukuvu.

Ekyo Omwoyo Omutukuvu ky'ali, y'envumbo ya Katonda, eri ekyo ky'azudde... Ofunye ekisa mu maaso Ge era Akwagala, ng'Akukkirizaamu, olwo n'Akuteekako envumbo Ye. envumbo kye ki? omuntu yenna.. Lwaki, envumbo ekiikirira oba kitegeeza "omulimu oguwedde." Amiina. Katonda akulokodde, n'akutukuzza, n'akulongoosa, n'akukwatirwa okuganja, n'akussaako envumbo. Akumalirizza. Oli mulimu gwe okutuusa olunaku lw'okununulibwakwo. Ekiteekeddwaako envumbo, gubeera mulimu oguwedde.

Omwoyo Omutukuvu kye ki? Kabonero. Tugenda kukiukako mu kaseera katono, mu bubaka obulala, akabonero Pawulo ke yayogerako. Ennimi kaali kabonero eri abakkiriza... oba abatakkiriza.

28 Kati weetegereze, naye, mu kino, Omwoyo Omutukuvu kabonero. Kye ntegeeza... Era Omwoyo Omutukuvu nvumbo. Kabonero Katonda ke Yawa abaana be abalonde. Okukagaana, kubeera kusalibwa ku

bantu; okukakkiriza kubeera kumala na nsi n'ebintu by'ensi byonna, n'obeera omulimu Katonda gw'Ataddeko envumbo ng'obukakafu.

Nnateranga okukola ku luguudo lw'eggaali y'omukka ne Harry Waterberry, era twakkiriranga okugenda okuttikka emmotoka. Muganda wange Doc, ayimiridde emabega awo, ayambako okuttika emmotoka. Emmotoka bw'etikkibwa, ng'omukebezi ayingira, singa asanga ekintu kyonna ekiragaya, nga kisobola n'okugwa ne kimenyeka, oba ekintu kyonna ekisobola okwonooneka; emmotoka eyo tagissaako nvumbo okutuusa ng'ewedde okupakirwa, nga bagipakidde okuvira ddala wansi ate bulungi, ng'okwesuukunda kwayo ng'evugibwa tekujja kukosa bintu ebiri munda.

29 Eyo y'ensonga Iwaki oba olyawo tetuteekewako nvumbo; tulagaya nnyo n'ebintu. Omukebezi bw'ayitamu, okukebera obulamu bwo, okulaba oba nga tolina by'olagayaamu, okulagayaamu mu bulamu obw'okusaba, okulagayamu mu busungu obwo, okulagayamu mu nkozesza y'olulimi, ng'oyogera ku balala, emmotoka tajja kugiteekako nvumbo. Olw'emize emibi, ebintu eby'obugwagwa, endowooza ennyonoonefu, Tasobola kussaako nvumbo ku mmotoka.

Naye Omukebezi bw'asanga nga buli kimu kiri mu kifo kyakyo, emmotoka eyo agiteekako envumbo. Nga tewali na muntu yenna eyeetantala okubikkula envumbo eyo okutuusa nga emmotoka eyo etuuse gy'eraga eyo ewali ekyagiteekessezaako envumbo! Kiikyo awo. "Tokwata ku bange abafukibwako amafuta; temukola bulabe bwonna ku bannabi bange. Kubanga mbagamba nti, ky'ekirungi ggwe okusibibwa olubengo mu bulago n'osuulibwa mu buziba bw'enyanja, okusinga okugezaako okwesittaza oba okunyeena omu ku bano abato bamaze okuteekewako envumbo." Olaba kiki kye kitegeeeza?

30 Ekyo Omwoyo Omukuku ky'Ali. Bukakafu bwo. Bukuumi bwo. Mujulizi wo. Nvumbo yo. Kabonero ko, nti "Ndi wa mu Ggulu. Sifaayo na ku kiki Setaani ky'agamba! Nze Ndi wa mu Ggulu. Lwaki? Yanteekako envumbo. Yagimpa. Yansibira mu Bwakabaka Bwe, era ndi wa mu Kitiibwa! Empewo leka zikunte, leka ne Setaani akole kyonna ky'ayagala okukola. Katonda amaze okunteekako envumbo okutuusa ku lunaku olw'okununulibwa kwange." Amiina! Ekyo Omwoyo Omukuku ky'Ali. Oo, Oteekwa okumwetaaga. Sisobola kugenda nga simulina. Bingi ebisobola okwogerwa awo, naye Nkakasa mumanyi kye njogerako wano.

31 Era kati, ka tukyukireko mu Yokaana 14 mu kaseera katono. Ekigambo nkyagala nnyo! Ge mazima.

Kati Omwoyo wa Katonda, Omwoyo Omukuku, Omwoyo Omukuku kye ki? Ye Mwoyo wa Kristo mu ggwe. Kati, nga tetunnaba kusoma, njagala kubaako bye njogera wano. Omwoyo Omukuku kye ki? Nvumbo. Omwoyo Omukuku kye ki? Ndagaano. Omwoyo Omukuku kye ki? Kabonero. Kati olwo Omwoyo Omukuku kye ki? Yee... Mwoyo wa Yesu Kristo mu ggwe. Mulaba? "Akaseera katono," bwe yagamba Yesu, "ensi obutandaba nate; naye nga mmwe mulindaba, kubanga naabeeranga nammwe, era mu mmwe okutuusa ku nkomerero y'ensi."

32 Omwoyo wa Katonda mu kkanisa Ye!

Yaweebwa ku Iwaki? Yakikola Iwaki? Kano katono nnyo ku ssomo ly'enkyo ekiro. Naye Yakikolera ki? Lwaki Ye, Iwaki Omwoyo Omukuku.... Kiki, Yajjirira ki? Yajjirira ki mu ggwe, Yajjirira ki mu nze? Kwali kwongerayo mirimu nya Katonda.

"Bulijjo nkola ekyo ekisiimbwa Kitange. Ssajja kukola kwagala kwange nze, wabula okwa Kitange eyantuma. Ne Kitange eyantuma Ali Nange; nga Kitange bwe Yantuma, Nange Mbatuma mmwe," oh, owange! [Ow'oluganda Branham akuba mu ngalo emirundi ebiri -Omuk.] Taata Eyamutuma yagenderanga mu Ye. Taata Yamutuma, n'Agenda mu Ye. Taata eyatuma Yesu Yajja mu Ye, n'Akolera mu Ye.

Yesu oyo akutuma, agenda naawe ate n'abeera mu ggwe. Era obanga Omwoyo oyo, abeera mu Yesu Kristo, yamuleetera okukola n'okweyisa mu ngeri gye yeeyisaamu, kijja kukuwa okutegeera okw'awamu okumanya bwe kinaaba ng'ali mu ggwe, 'kubanga Obulamu obwo tebusobola kukyuka. Buva mu mubiri ne buyingira omubiri omulala, naye tebusobola kukyusa butonde, kubanga Ye Katonda.

33 Kati mu Yokaana 14, ka tusomeko katono nga tutandikira ku lunyiriri olwe 10

Tokkiriza nga... Nze ndi mu Kitange, ne Kitange ali mu nze? Ebigambo bye mbagamba nze, sibyogera ku bwange nzekka; naye Kitange bw'abeera mu nze nkola emirimu gye. (Kirowoozeeko ekyo)

Munzikirize nga nze ndi mu Kitange, ne Kitange mu nze; oba munzikirize olw'emirimu gyokka.

Ddala ddala mbagamba nti Akkiriza nze emirimu gye nkola nze, naye aligikola; era alikola egisinga egyo obunene; kubanga nze ngenda eri Kitange.

Temulaba? Mulabe ngeri gye yayogeramu awo? Kati weetegereze kino, engeri gye kivaayo. Nja kusoma busomi nga nneyongerayokko katono. Tugenda kusoma okutuusa ku lunyiriri olwa 20. "Na buli kye munaasabanga mu...." Katulabe, nnabadde ne.... Weewaawo. Hu-huh. Kirungi.

Na buli kye munaasabanga mu Linnya Lyange, ekyo anaakikolanga, Kitange agulumizibwenga mu

Mwana.

Bwe munaasabanga ekintu kyonna mu Linnya Lyange, ekyo nnaakikolanga.

Oba nga munjagala, munaakwatanga ebiragiro byange.

Nange ndisaba Kitange,(kati mwetegereze) naye Alibawa Omubeezi omulala, abeerenga nammwe emirembe n'emirembe.

Omwoyo ow'amazima ensi gw'eteyinza kukkiriza; kubanga temulaba so temutegeera: mmwe mumutegeera; kubanga abeera gye muli era anaabanga mu mmwe.

34 Olwo, Omwoyo oyo y'ani? Omwoyo Omukutuku kye ki? Ye Kristo mu ggwe. Omubeezi, ye Mwoyo Mutukuvu. "Naye Omubeezi bw'alijja, ajja kukola ebintu by'ebimu bye nkoze ng'Omubeezi ali mu Nze. Ndisaba Kitange, naye Alibawa omubeezi ono. Omubeezi mumumanyi. Ensi temumanyi, era terimumanya. Mmwe mumumanyi kubanga kati abeera nammwe," Yesu ng'ayogera, "naye Anaabeeranga mu mmwe." Awo we muli, oyo ye Mubeezi, "Anaabanga mu mmwe."

Siribaleka bamulekwa, nkomawo gye muli. "Siri..." Awo nno, oyo ye Mubeezi, Kristo. Ekyo Omwoyo Omukutuku ky'ali, ye Kristo.

Esigadde ekiseera kitono, ensi obutandaba nate; naye mmwe mundaba: kubanga nze Ndi mulamu nammwe.... muliba balamu.

Oo,tusobola n'okweyerongerayo tutyo; naye,ekyo mukimanye. Ye y'ani? Y'envumbo. Ye kabonero. Ye Mubeezi. Mulaba byonna by'Ali? Ezzadde lya Ibulayimu lye libisikira.

35 Era leka tuzuule... kiki ekirala Omubeezi ky'Ali. Ka tugendeko mu Yokaana Ekisooka 16:7, tulabe oba nga si Muwolereza. Mumanyi kiki okuwolereza kye ky'ali, ng'awolereza. Tulina Omuwolereza. Tukimanyi ekyo. Yokaana Ekisooka, essuula... Oo, mulindeeko eddakiika, Munsonyiwe. Yokaana, eye 16:7... Munsonyiwe. Munsonyiwe. Mazima ekyo kye njogedde. Nkisomye bubi ku nfunye 16:7

Naye nze mbagamba mazima; kibasaanira mmwe nze okugenda; kubanga nze bwe sirigenda; omubeezi talibajjira; naye bwe ndigenda ndi mutuma gye muli.

Ye bw'alijja alirumiriza ensi olw'ekibi, n'olwobutuukirivu n'olwomusango;

olw'ekibi, kubanga tebanzikiriza nze;

olw'obutuukirivu kubanga nze njenda eri Kitange, so nammwe temukyandaba nate; olw'omusango, kubanga omukulu w'ensi eno asaliddwa omusango.

36 Abange! Kati, Omuwolereza, asangibwa mu- mu Yokaana Ekisooka 2:12. Kale leka tukisoma ekyo, mu kaseera katono, Yokaana Ekisooka 2:12. Munsonyiweko, Yokaana Ekisooka....1 n'olwo 2, bwe kiri. Zino nzirina nnaziwandiise. Yokaana Ekisooka 2:1 ne 2

Baana bange abato, mbawandiikkidde ebyo mulemenga okukola ekibi. Era omuntu yenna bw'akola ekibi, tulina omuwolereza eri Kitaffe, Yesu Kristo Omutuukirivu. Omuwolereza y'ani? Yesu Kristo Omutuukirivu.

N'oyo gwe mutango olw'ebibi byaffe: so si lwa bibi byaffe fekka, era naye olw'ensi yonna.

Omwoyo Omukutuku kye ki? Ye muwolereza. Kiki ky'akola... Akuwolereza y'ani? Akola kiki? Awaayo okuwolereza. Alina okusaasira. Ye, Ayimirira mu kifo kyo. Ye, akola ebintu ggwe by'otosobola kukola. Ye, Ye-Ye abeera mutango olw'ebibi byo. Bwe butuukirivu bwo. Kwe kuwonyezebwa kwo. Bwe bulamu bwo. Kwe kuzuukira kwo. Ye byonna ebibyo Katonda by'Alina. Ye Muwolereza.

37 Kale twandikigenze tutya mu buziba ekyo nga bwe tukimanyaamenyamu engeri Ye-g'Atwegayiriram u olw'obutamanya bwaffe. Olumu bwe... tulina Omwoyo Omukutuku, mu butamanya tutagalira mu kintu ekimu. Omwoyo Omukutuku ali wano okutuwolereza. Ye Muwolereza waffe. Atuyimiririra.... Atuwoleza. Ayimirira awo n'Awaayo okwegayirira ku lwaffe. Ffe tetewolereza, kubanga Omwoyo Omukutuku atwegayiririra. Omwoyo Omukutuku n'Ayayogera, olumu n'ebigambo by'otosobola kutegeera, n'alyoka atwegayiririra. Ekyo Omwoyo Omukutuku ky'ali.

Bwe ntambula okugwa mu kintu kyonna, Nze- Ntambula nga mwana muto; otambula ng'omuto. Ffe, twali tutambulira mu nsi y'abalabe ey'ekizikiza, ng'ejjudde ekibi, ng'ejjudde emitego, na buli kimu.

Ogamba nti "Oo, ntidde nnyo. Ntya nnyo okutwala obulamu bw'Obukristaayo. Nze, Ntya okukola kino. Ntya nti nnyinza okukola kino."

Totya. Tulina Omuwolereza. Amiina. Oo, Ayimirira naffe, Ali muffle, ate n'atwegayiririra. Omwoyo Omukutuku obutayosa, obutassa mukka Atuwolereza ffe, ekaseera kyonna. Ye Muwolereza waffe. Oo,

nga twebaza Katonda olw'ekyo!

Envumbo, akabonero, Omwoyo w'Obulamu, Katonda we Ggulu, Omubeezi, Obulamu, Omuwolereza. Ali kiki? Oo, owange! Tusobola okukimalako essaawa eziwerera ddala.

Kaakano, tugenda kukyusaamu katono,

38 Era tugenda kusaba kati...

Yatusuubizibwa mu nnaku ez'oluvannyuma! Omuwolereza ono, envumbo, ekisuubizo, na buli kye tumwogeddeko ekiro kya leero, n'emirundi egisukka mu mutwalo, yatusuubizibwa mu nnaku ez'oluvannyuma.

Tebaamulina mu lunaku olwo. Bo baalina envumbo mu mubiri gwabwe, ng'omusingo era akabonero, nga bakkiriza nti yali ajja era baatambuliranga mu kisiikirize ky'amateeka. Omwo mwe baali bakomoleddwa omubiri.

Leero tetutambulira mu kisiikirize ky'amateeka. Tutambula na maanyi ag'okuzuukira. Tutambula na maanyi ga Mwoyo, oyo nga ye nvumbo yaffe eya nnaammaddala, Omuwolereza waffe omutuufu, Omubeezi waffe omutuufu, akabonero kaffe akatuufu nti tuzaaliddwa Waggulu; tuli banjawulo, abatali ba bulijjo, abeeyisa obulala, nga tutwala Katonda ku Kigambo Kye, ng'ebisigadde byonna tubiyita bikyamu. Ekigambo kya Katonda kituufu. Ekyo bwe... Oo, owange! Omwoyo Omutukuvu ekyo ky'Ali.

39 Mukyagala? Temwandyagadde okubeera nakyo? [Ekibiina kiddamu "Amiina" -Omuk.] Katulabe oba nga kyasuubizibwa.

Kale, leka tuddeyoko mu Isaaya, Ekitabo kya Isaaya. Leka tufune essuula ya Isaaya eya 28. Kati tugenda mu Isaaya 28, era tugenda kutandikira ku... Ka tutwale olunyiriri olwo 8, tulabe Isaaya kye yayogera emyaka lusanvu mu kkumi n'ebiri nga tekinnaba kutuuka.

Tusobola okwogera ebintu bingi ku kino, tuddireyo ddala emabega, era tujja kutandikira wano tulabe oba nga kyasuubizibwa eri Ekkansa. Kyalina kujja mu lunaku ki? Mu nnaku ez'oluvannyuma, nga waliwo obulyake. Kaakano Jjukira, nti ekigambo kiri mu bungi "ennaku", ennaku bbiri ezisembayo, ennaku enkumi bbiri ezisembayo.

Kaakano, kati olunyiriri olwo 8

Kubanga emmeeza zonna zижудде.... ebisesemye n'empitambi, obutabaawo kifo kirongoofu.

Kinoonye olwa leero oba ng'onookiraba. Weetoolooze amaaso olabe oba nga tuli mu lunaku olwo. "Emmeeza zonna!" Lwaki, kubanga bagenda ku kyeggulo kya Mukama, ng'ekisookera ddala, bali mu lubu lwa bya mubiri nga balya akagaati akawewufu oba ssooda. Olwo ne bakamenyamu olw'okussa ekimu ku mmeeza ya Mukama. Ng'ate ekyo kirina kukolebwa na mikono egypt'Omwoyo Omutukuvu n'omugaati ogataliimu kizimbulukusa. Kristo si mukyafu wadde okuba omugwagwa, era ekyo kye kimukiikirira.

Ekintu ekirala, baguwa abantu abatamiivu, abalimba, ababbi, abanywi ba sigala, abegaayagaaya (wuuu!) ekintu kyonna, kasita baba nga balina ekkanisa mwe bali. Kibeere wala! Omuntu yenna bw'aligulya nga tuli mukugulya wano, alibeera assa era ng'anywa musango gwe ye, nga takebera Mubiri gwa Mukama waffe. Singa tabeera bulamu, bibeere wala ebyo.

Bw'otagulya, kiba kiraga ng'endowoozayo yennyini erina omusango. "Oyo atalya, talina mugabo Mune," Yesu bwe yayogera.

40 Naye emmeeza za Mukama zonna zижудде obubi. Tewaaliwo kifo kirongoofu. Muwulirize, oba ng'ekyo si ky'ekifaanayi kya leero!

Ani Ye gwa.... Ani gw'Aliygiriza okumanya? Era ani gw'Alitegeesa ... ebibuulirwa?... ani alitegeera okumanya? ani gw'Ayinza okumanya ebibuulirwa?

Kale, Mukama agulumizibwe, nze ndi Mupulesibeteriyani. Ndi Mumesodisiti. Ndi MuPentekoote ndi Munnazaaleeni. Ndi Mutambuze Ow'obutuukirivu." Ekyo tekirina kye kitegeesa eri Katonda; wabula eba mmeeza ndala.

41ani alitegeera okumanya?...

Njigiriza nabaki; Mesodisiti, Baputisiti, Pulesibeteriyani, Pentekoote? Enjigiriza ya Baibuli!

.... ani gwe ndiyigiriza okumanya?

Omania otya ng'okirina? Ekyo tuli abakuiyingiramku Iw'Okutaano ekiro. Mulaba?

...ani gwe ndiyigiriza okumanya. (kati weetegereze) abo abalesseeyo okuyonka era abavudde ku

mabeere?

Abaana abato bagamba nti, "Kale, kasita njenda ku kkanisa, eno y'ekkanisa ya maama wange." Ekyo nze sikirinako mutawaana, muganda wange. Ate kino ntegeera nti kiri mu kukwatibwa ku lutambi. ekyo kirungi nnyo, ng'oli mu kkanisa ya maama wo. Naye wuliriza, maama yatambulira mu musana ogumu, naawe otambulire mu mulala.

Luther yatambulira mu musana ogumu; Wesley n'atambulira mu mulala. Wesley yatambulira mu musana ogumu; Pentekoote n'etambulira mu mulala. Nate ffe tutambula tulinnya okusinga ku ebyo byonna leero; kati bwe wanaabaawo omulembe omulala, gujja kutusukkulumma.

42 .Bwe tuddako mu nnaku ezaasooka, ekintu bwe kyali nga kigazi, ekkubo nga ggazi, Luther yayigiriza okuggyibwako omusango na kukkiriza. Okwo kwali kujja bujja bantu okuva mu Bukatoliki eri Obopolotesitante, okukunjaana ku Kigambo. Okwejeeerezewa lwa kukkiriza, ekyo gwali mugendo mugazi. Ogwo tebaguvaamu.

Awo ne wajja okudda obuggyga okulala okwa John Wesley. Ne kubanyenya okuva mu ekyo, nga kubaleeta mu kutukuzibwa okuleka...obulamu nga bulungi, nga buyonjo, butukuvu, nga butukuziddwa Ekipambo kya Katonda, nga bukuwa essanyu mu mutima gwo. Ekyo kyakunkumula enjigiriza za Ba Luther nnyingi.

43 Olwo Pentekoote n'okubatizibwa kw'Omwoyo Omutukuvu, ate ekyo ne kyongerera ddala okukissa wansi nate, n'okufuna Omwoyo Omutukuvu. Ekyo bwe kiri.

Kale ekyo ne kitandika okukunkumula. N'ebirabo, n'okuzzibwawo, n'Omwoyo wa Katonda ayingiddewo, mu bujuvu bw'obubonero n'ebiyewuunyisa, mu Kkanisa, era kinyenyezza ne Pentekoote. Kiki? Tusemberedde nnyo okujja kwa Mukama Yesu, okutuusa nga n'Omwoyo yennyini eyali mu Ye kati ng'akolera mu Kkanisa, ng'Akola ebintu byennyini Ye bye yakola bwe yali wano ku nsi. Tekibangawo wantu wonna, okuviira ddala emabega mu biseera by'Abatume okutuusa leero.

Lwaki? Laba, kigaziwa, ne kifunda, ne kifunda, ne kifunda. Kiki ekyo? Ng'omukono gwo bwe gutuuka awali kisiikirize; mwe kyava, mwe kyava, mwe kyava. Naye kiki ekyo? Ekyo kimyanso. Luther kyali ki? Kimyanso kya Kristo. Wesley yali? Kimyanso kya Kristo.

Tunuulira, omulembe gwa Billy Sande gwakaggwa. Luli, Omusawo namukadde Whitney, yayigirizaako ne ku kituuti kino wano, essomo eryasembayo, amale afiire ku myaka nga kyenda. Billy Sande yali muddaabuluzi eri ekkanisa ezaali entutumufu mu biro bye. Teyakuba bikonde, okuyimira awo n'alekaane nti "Mmwe Abamesodisiti mwafuuka ba kristaayo, n'ababuulizi na buli kimu! Mmwe mwenna Abaputisiti kye mwafuuka abakristaayo! Mmwe Abapulesibeteriyani!" teyakuba bikonde. Yali nga Billy Graham w'ennaku zino

44 Weetegereze. Era olwo, mu kiseera ky'ekimu ekkanisa nga bwe zaali zifuna okudda obuggyga kwazo, olwo kiki ekyabaawo? Aba Full Gospel nabo baali mu kufuna kudda buggyga. Ne wajja Ab'oluganda ba Bosworth, Smith, Wigglesworth ne Dr. Price, Aimee McPherson, bona abo.

Tunula, Smith Wigglesworth afa ekiro ekimu. Dr. Price n'afa amakya agaddako. Mu ssaawa abiri mu nnyi nnali ku mulimu.

Kati, enkomerero yange ejja. Tunulayo... Towulira nnyo ku Billy Graham. Towulira nnyo ku Oral Roberts. Ndaba ng'enkuunjaana zange zisemberera. Kiki ekibaddewo? Tuli ku nkomerero, omulembe omulala.

Billy Sande yajja atya, awamu n'abo abalala? Baayingirawo oluvannyuma Iw'okudda obuggyga okwa Moody. Oluvannyuma Iw'okudda obuggyga kwa Knox. Knox yayingirawo ddi? Oluvannyuma Iw'okudda obuggyga kwa Finney. Finney luvannyuma lwa Calvin, Calvin luvannyuma lwa...., Bwe kityo Wesley, Wesley luvannyuma lwa Luther. Bwe kityo okuyita mu mulembe nga kijja. Amangu ddala ng'okudda obuggyga okumu kuwedde, Katonda ayimusaawo okulala, ne kwongera okuwa Ekitangaala; kyagenda kitambula kityo.

45 Kaakano, tuli ku nkomerero y'ekiseera kino. Na buli muntu atunudde ku nkomerero y'amassanjjazira gano olw'okudda kwa Kristo ate nga baalina bingi eby'okutunuulira; okudda kw'Abayudaaya, ebisowaani ebitambulira mu bwengula, n'ebintu byonna bye tulaba leero. Naye tuli ku nkomerero. Tuli wano kati. Baakimanya nti Ekkansa yalina okufuna amaanyi ag'okukola emirimu gy'egimu egya Kristo mu Yo, kubanga ekisiikirize gye kikoma okukwata gye kikoma okwoleka kiki kiri.

Labira ku ekisiikirize. Gy'okoma okweyongerayongerayo okuva wekiri, n'akamyaso kakyo gye kakoma okunaabuuka. Ate bwe waayitawo akaseera n'ekigenda nga kisemberasembera, omuti gutuuka ekiseera nga ggwo n'ekisiikirize by'ebimu.

46 Kaakati, n'Omwoyo wa Katonda akoleddenga wansi w'okuggibwako omusango, wansi wa Luther;

okutukuzibwa wansi wa Wesley; okubatizibwa kw'Omwoyo Omutukuvu wansi wa Pentekoote; era wuuno wano mu nnaku ezisembayo ng'Akolera ddala ebintu bye yakola bwe yali ng'Ali mu Kristo mu biro biri. Kiki ekyo? Ekkansa ne Kristo bafuuse omu.

Olunaamala okukwatagana, obuyungiro obwo obusembayo, Ajja kuyita mu bwengula, nga bw'aleekaana. Wesley agenda kuja waggulu naye, Luther n'abalala bona mu nnaku ez'emabega eyo, "Eyali ow'olubereberye aliba wa luvannyuma, n'oyo eyali ow'oluvannyuma aliba ow'olubereberye," olwo okuzuukira kubeewo.

Tuli mu kiseera eky'enkomerero. Wuliriza, ekyo Omwoyo Omutukuvu ky'Akola. Omwoyo Omutukuvu, olw'okuggyibwako omusango, mulabeyo, ekizikiza kya Kyo ekimunyungufumukko; Omwoyo Omutukuvu, olw'okutukuzibwa, ekisiikirize kya Kyo ekikwafumukko; olwo Omwoyo Omutukuvu wansi w'okubatizibwa okukwe, kisiikirize kikwafu ddala; era olwo Omwoyo Omutukuvu, olw'okuzzaawo Obuntu Bwe wano, ng'Akola obubonero bwennyini bwe yakola luli mu ntandikwa. wuuu! Ekitiibwa! Ogenda ku mpita, "mutukuvu yevelunga," mu ngeri yonna, weewaawo, osobola n'okutandika na kati.

47 Ab'oluganda Muwulirize, wuliriza kino.

.... emmeeza zonna zижудде ebisesemye.... era tewaaliwo kifo kirongoofu.

Ani gw'Aliyigiriza okumanya?... ani gw'Alimanyisa okutegeera ebiuulirwa? Abo abalekedde awo okuyonka era abavudde ku mabeere.

Si baana bato; baana bato Abapulesibeteriyani, Abamesodisiti, Abapentekoote, Aba Luther, Abanazaaleeni. Ayagala oyo anaava ku mabeere okulya emmere engumu. Kijjira wano.

Kubanga kiba kiragiro... ku kiragiro, ekiragiro ku kiragiro; olunyiriri... ku lunyiriri, olunyiriri ku lunyiriri; wano katono awo katono.

Nedda, alyogera n'abantu bano n'emimwa emigenyi era n'olulimi olulala.

Be yagamba nti kuno kwe Kuwummula, mu muwe okuwummula oyo akooye; era kuno kwe kuweera: naye ne bataganya kuwulira.

Omwoyo Omutukuvu, labayo obanga si bwe kityo kyennini bwe kyali ku lunaku Iwa Pentekoote, nga kyali kiraguddwa emyaka lusanvu mu kkumi n'ebiri nga tekinnaba kujja! Kiikino wano ku lunaku Iwa Pentekoote, nga kizze mu ngeri y'emu yennyini.

48 Waliwo eyagambye nti, "kubeera kukuma lunaku Iwa Ssabiiti." Sikigaana era sigezaako ku kuwewula kkanisa ya muntu yenna oba eddiini. Naye yagambye nti, "Olunaku Iwa ssabiiti, ssabiiti ya Katonda lwali lunaku Iwa kuwummula."

Wano we wali olunaku olw'okuwummula. [Ow'oluganda Branham asitula Baibuli ye -omuk.] "Kino ky'ekiwummulo," bwe yagamba nti, "Okusoboesa abakooye okuwummula." Ky'ekino. Amiina! "Kigenda kubeera kiragiro ku kiragiro, lunyiriri ku lunyiriri." Ekiwummulo Kiikino wano. Omwoyo Omutukuvu kye ki? Ekiwummulo. Oo!

Mujje gye ndi mmwe mwenna abakooye era abazitoowereddwa, nange nnaabawummuza.

Ye yeki? Oyo ajja mu ggwe, n'Akuwa emirembe; akabonero ko, Omubeezi wo; ng'obeereddwa, mu kiwummulo, ng'oteekeddwaako envumbo.

Oli otya...? Ke kabonero; ensi emanyi nga waliwo ekibaddewo mu ggwe. Kiki ekyo? Ye Mubeezi. Kiki ekyo? Ye Nvumbo. Ggwe owummudde. Ggwe olina.... Ye Muwolerezaawo. Singa, waliwo ekikubaddeko, waliwo awo Ekintu ekisobola okukuolereza amangu ago, mulabe, ng'Akola okwegayirira. Ye Mwoyo wa Katonda ng'Ali mu Kkanisa, eyalagulwa mu ngeri yennyini gy'Alina okubaamu ng'azze. Ajja kuba Ataggwaawo, ekiwummulo Ekitaggwaawo.

49 Katonda yakola ensi. Abaebbulaniya essuula ey'oku 4 "Katonda yakola ensi n'Awummula ku lunaku olw'omusanvu." Ekyo bwe kiri.

Olunaku olw'omunaana lukomerawo ddala, wansi... Olwo Yaluwa Abayudaaya olw'endagaano, eyali ey'ekiseera ekigere. Ekyo kituufu. Naye baagendanga ne bawummula olunaku lumu; ne baddayo, olunaku olusooka mu wiiki, ne baddamu okukola nate, ne batandika bupya. Ekyo si ky'ekiwummulo Katonda kye Yayogerako.

Katonda bwe yakola ensi mu nnaku mukaaga, bwe yagenda okuwummula, Yawummulira ddala. Ekyo bwe kiri. Ekyo kyamala. Teyakomawo ku lunaku Iwa munaana okuddamu nate.

Kyali kisiikirize. Kati, ekyo kyali kifaananyi, nga bw'olaba omwezi okuva eri enjuba; naye enjuba bw'evaayo, omwezi tuba tetukyagwetaaga. Kati kino kyetegereze, Oo, kiri mu Kubikkulirwa 11, "Omukazi

n'omwezi wansi w'ebigere bye, n'enjuba waggulu ku mutwe gwe." Oo, twandibadde tusobola okugendako mu Baibuli, ddiba ku ddiba. Ne nkibalaga. Mulaba?

50 Naye kye ki ekyo? Baibuli bwe yayogera mu Bebbulaniya essuula 4 nti "Kuba singa Yesu yabawa olunaku olw'okuwumula, yandibadde yalwogerako oluvannyuma; yandyogedde ku lunaku olw'okuwummula." Lunaku ki lwe yayogerako, ekiwummulo.

Mujje gye ndi mmwe mwenna abakooye era abazitoowereddwa nange nnaabawummuza.

Matayo essuula eye 11 n'olunyiriri olwa 22... Tunulayo eyo, tukizuula nti bwe tuja gy'Ali, "Kuba oba Ye," yagamba mu Bebbulaniya 4 nti, "ayingidde mu kiwummulo kya Yesu, ng'awummudde mu mirimu gye egy'ensi, nga Katonda bwe yawummula mu Gigye," bwe yakola ensi teyakomawo ku yo. Kyatwala bbanga ki? [Ow'oluganda Branham akoona ku kituuti emirundi esatu -Omuk.] Omwoyo Omutukuvu akuteekako akabonero okumala bbanga ki? "Okutuusa olunaku Iw'okununulibwakwo." Ekiwummulo Kiikyo awo, Mubeezi, Muwolereza, nvumbo, Mununuizi. Oo! [Ow'oluganda Branham akuba mu ngalo ze omulundi gumu -Omuk.] mpulira okukyamuka, oba okuweebwa omukisa. Oo!

51 "Kyatusuubizibwa Ow'oluganda Branham? Kikakasiddwa ne Baibuli?"

Kale, leka tugendeko mu Yoweeri, tuzuule kiki Yoweeri kye yakyogerako

Nga ndi nneebaza olw'Ekigambo kya Katonda eky'omukisa! Mukyagala? [Ekibiina kiddamu "Amiina". - Omuk.] Nze ndowooza singa tekyali Iwa Kigambo, simanyi we twandiyimiridde. Bwe kiri.

Tuli wa Yoweeri kati. Tugenda mu Yoweeri, essuula eya 2 olwo tutandikira ku lunyiriri olwa 28, Yoweeri 2:28, emyaka lunaana nga Kristo tannajja, nnabbi mu Mwoyo. Kati wuliriza.

Awo olulituuka, ndifuka Omwoyo gwange ku bona abalina omubiri; kale batabani bammwe ne bawala bammwe baliragula, abakadde bammwe baliroota ebirooto, abalenzi bammwe baliraba okwolesebwa:

Era ne ku baddu ne ku bazaana mu nnaku ezo kwe ndifuka Omwoyo gwange

Era ndyolesa eby'ekitalo mu ggulu ne mu nsi, omusaayi n'omuliro n'empagi ez'omukka

Enjuba erifuuka kizikiza n'omwezi okuba omusaayi, olunaku Iwa Mukama era olw'entiisa nga terunnaba kujja.

Awo olulituuka, buli alisaba erinnya lya Mukama alirokoka:

52 Ekyo kye... Oo! Kiki? Joel! Okyetegerezza? Mu Bikolwabyabatume 2, Peetero Yakozesa olunyiriri Iwe lumu. Yagamba nti, "Abantu Abaisiraeri, muwulire Ebiambo byange. Bano tebatamidde," nga bateekeddwaako envumbo, nga abafunye okubeerwa, ab'enjawulo abantu abalambiddwa. "Tebatamidde, nga mmwe bwe mulowooza," Bikolwa 2, "nga mulaba nti y'essaawa ey'okusatu ey'olunaku. Naye kino kyekyo ekyayogerwa nnabbi Yoweeri nnabbi, ng'agamba nti, 'Awo olulituuka mu nnaku ezo, ndifuka Omwoyo gwange ku bona abalina omubiri.'"

Kiki ekyo, Omwoyo Omutukuvu kye ki? Kale, kati weetegereze nate, kyasuubizibwa eri abakkiriza, ekyo kye kiri. Kaakano, Omwoyo Omutukuvu ono, tuzudde ky'Ali, mu kadakiika katono. Yasuubizibwa ani? Eri abakkiriza.

Kaakano tugendeko ne mu Lukka, essuula 24 eya Lukka, wuliriza Yesu kye yagamba mu bigambo Bye ebyasembayo bwe yali tannava ku nsi. Lukka essuula eya 24. Kati eri mmwe abawandiika bino, osobola okululamba, olwo otwale akadde enkyo olwetegereze bulungi. Kati, Lukka 24:49, wuliriza Yesu ng'Ayogera. Mu nkomerero bwe yali Ayambuka mu Kitibwa, okulinnya, biibino Ebiambo bye Yagamba abayigirizwa bwe.

.... laba, Mbaweereza ekisuubizo kya Kitange....

Kisuubizo ki? Envumbo, akabonero, Omubeezi, na buli kintu nga bwe mbyogeddeko, n'enkumi ebirala ebisinga awo.

.... Mbaweereza okusuubiza kwa Kitange ku mmwe....

Kisuubizo ki? "Ekyo Isaaya ky'agambye nti kijja kujja 'Ndyogera n'abantu bano n'emimwa emigenyi n'ennimi endala.' Ndi tuma ekiwummulo ekyo gye muli. Nja kutuma ekyo Yoweeri kye yayogera nti, 'Awo olulituuka mu nnaku ez'oluvannyuma Omwoyo gwange ku mmwe, bw'ayogera Mukama'. O, Ndi batumira, Nneekolere amawanga gonna, abantu bona, okutandikira mu Yerusaalemi.... Ndireetamu ezzadde lya Ibulayimu wansi w'endagaano eno. Buli omu ku bo Ndi muteekako envumbo. Laba ndifuka Omwoyo Gwange."

.... Mbaweereza mmwe okusuubiza kwa Kitange: naye mubeere mu kibuga okutuusa Iwe mulyambazibwa amaanyi agava waggulu.

53 Olwo, Omwoyo Omutukuvu kye ki? "Amaanyi okuva Waggulu!" Ssi maanyi okuva ewa Bisopu, si maanyi kuva mu kkanisa. "Naye, Maanyi okuva Waggulu!"

Amaanyi ago gajja gatya? Nga "weegatta n'ekkanisa"? Nkusoomooza ggwe bw'ogamba nti ekyo kituufu. Olw'okwegatta ku kkanisa, okulamusaganya n'omubuulizi"? nedda, ssebo. Kaakano, eri mmwe Abakatoliki, "musikayo olulimi nga muli mu kussa ekimu ku mmeeza ya Mukama waffe"? Nedda, ssebo.

Kyajja kitya, Maanyi okuva Waggulu? Katweyongereyoko nga tusoma. Ka tugendeko mu Bikolwabyabatume 1:8 nga bakunjaanye wamu kati. Kati baali boogera ku Yesu wano, bwe baali bakunjaanye, nga bamaze n'okwawula omuntu omulala okudda mu kifo kya Yuda Isukalyoti. Bikolwa 1:8

Naye muliweebwa Amaanyi, Omwoyo Omutukuvu bw'Alimala okukka ku mmwe....

Kiki? "Ofuuke ekitundu ku Branham Tabanako"? Nedda. "Ofuuke ekitundu ku kkanisa y'Abamesodisiti, Ekerezia Enkantolika, ey'Abapulesibeteriyani"? si bwe kityo mu Baibuli. Eyo njigiriza eyagunjibwa abantu.

"Naye muliweebwa amaanyi bwe mulimala okufuuka ababuulizi"? Nedda, ssebo. "Muliweebwa Amaanyi nga mumaze okufuna ddiguli esooka"? Nedda, ssebo. "Muli ... amaanyi galija ng'omaze okufuna ekitiibwa kya DD"? Nedda, ssebo. "Muliweebwa Amaanyi nga mumaze okubatizibwa mu mazzi"? Nedda, ssebo. Muliweebwa Amaanyi nga mumaze okufuna okussa ekimu okusooka ku mmeeza ya Mukama"? Nedda, ssebo. Laba, ebyo byonna byagunjibwa bantu.

54 Wuliriza Baibuli kye yagamba, kiki Yesu kye yagamba.

.... muliweebwa amaanyi, Omwoyo Omutukuvu bw'Alimala okukka ku mmwe: (Omwoyo Omutukuvu kye ki? Amaanyi), era oluvannyuma lwa kino, muliba abajulirwa.... ("Mmwe mwekkakku ekkumi n'ababiri, Abajulizi mu Yerusaalemi?") ... mulibeera Abajulizi bange okusookera mu Yerusaalemi...ne mu Buyudaaya.... Samaliya okutuusa ku nkomerero y'ensi. (Etannaba nakutuukibwako.)

Bwe yamala okwogera ebyo.... bwe yamala okwogera ebyo, nga bamutuunuulira, n'asitulibwa ekire ne kimutoola okumuggyaa mu maaso gaabwe.

Kaakano taganjula olabe obunnabbi buno nga bituukirira.

Awo olunaku lwa Pentekoote bwe lwateruka, bona baali wamu mu kifo kimu.

"Amangu ago, omusumba n'ayingira era...."? Nenva mu lunyiriri, si bwe nnakola? "Amangu ago kabona n'ayingira n'ajja ku kyoto"? Nedda

Amangu ago ne waba okuwuuma si kwefuula mukkiriza; kyaliwo, okuwuuma.

"Muweereza eyali aseemberera oluggi"? "Kabona eyalina okussa ekimu ng'ava mu Watukuvu"? Nedda, tewali kintu kifaanana ng'ekyo.

... ne waba okuwuuma okuva mu ggulu... (si kukwakwaya kwa bigere) wajja okuwuuma okuva mu ggulu.... ng'empewo ewuuma n'amaanyi (Oo, owange! Whooosh!)?...) ne kujjuza ennyumba yonna mwe baali batudde.

55 Omwoyo Omutukuvu kye ki? Wano we baggya Amaanyi. Wano we baalina okulindira; era kino kye kyabaawo bwe baakikola. Bonna baalagula, okuvira ddala ku Lubereberye okutuukira ddala, okuva ku Ibulayimu okuyitiram u ddala; kyalina okujja, era n'engeri gye kyalina okujjamu n'ebyalina okukivaamu. Kye ki ekkyo? Kyasuubizibwa eri Ekkanisa, eri abakkiriza.

....ne kujjuza ennyumba yonna mwe baali batudde. Ne kulabika ku bo ennimi ng'ezomuliro nga zeeyawuddemu: buli lulimi ne lutuula ku muntu. Bonna ne batanula okwogera ennimi endala, nga Omwoyo bwe yabawa okuzoogera.

Kati tugenda kutuuka ku ekkyo, ekkyo ky'Olwokutaano. Mulabe, ekkyo ka tugira tukireka awo.

Kiri kitya ekkyo? Kisuubizo eri ekkanisa, mazima kisuubizo ddala. Bwe kiri.

56 Kaakati,kaakati, tugenda kuzuula, bwe baali bamaze okujjuzibwa, baatekebwako envumbo okutuusa ddi? [Ekibiina ne kiddamu "Okutuusa okununulibwa." - Omuk.]

Bameka wano abalina Omwoyo Omutukuvu? Ka tulabeko ku mikono gyammwe. Abalina Omwoyo Omutukuvu basinga abatalina Mwoyo Mutukuvu. Twagala obeere omu ku ffe Mwannyinaffe, muganda waffe. Ng'otegeera kiki kye kye kiri, Ye... Ye Mwoyo wa Katonda ng'Ali mu ggwe, okukola emirimu gya Katonda.

Katonda bwe yatumanga Omwoyo Omutukuvu mu yenna ku baweereza Be, mu yenna ku bannabbi Be, mu yenna ku basomesa Be, mu yenna ku batume Be, bulijjo bagaanibwanga ensi. Batwalibwanga abatabufu b'emitwe, mu buli mulembe mwalimu. Ne Paul bwe yayimirira mu maaso ga Agulipa, yagamba nti, "Mu kkubo eriyitibwa ekkyamu...." Ekkubo ekkyamu kye ki? "Obulalu". "Mu kkubo lye bayita ery'ekiralu, abantu abatabufu b'emitwe, eryo ly'ekkubo mwe nsinziza Katonda wa ba Kitaffe." [Ow'oluganda Branham akuba mu ngalo omulundi gumu- Omuk.] Nsanyuse nnyo kubanga nsobola okugamba nti ndi omu ku abo. Yee, ssebo. Ekyo bwe kiri. Nsanyuse nnyo kubanga nsobola okugamba nti ndi omu ku abo.

57 Kale, Omwoyo Omutukuvu ng'amaze okubagwako, yabalongoosa emitima n'abafuula abaagalwa ennyo okutuusa Iwe batuuka mu bumu mu buli kimu. Ssi bwe kiri? owange, owange, nga kwali kussa kimu! Olumu oluyimba olwo tutera okuluyimba, nti "Nga kussa kimu! Oo, nga ssannyu ery'obwa Katonda! Ekyo bwe kiri. Baali nga tebafaayo, nga tebafaayo oba omusana gwase oba tegwase. Tebasaba bya ku kakeeka.

"Kaakano, nja kufuna Omwoyo Omutukuvu," abantu abamu bwe bañjamba, "Mw. Branham, singa onkakas;a nti ngenda kufuuka mugagga bifeekera, bw'onkakasa nti nja kufuna enzizi z'amafuta, era nzuule n'ebirombe bya zzaabu, era Nze- Nze..." Labayo, abantu basomesa ebyo, ate nga basomesa bulimba. Katonda tasuubizangako bintu ebyo.

58 Omuntu bw'afuna Omwoyo Omutukuvu, tafaayo oba ng'anaasabiriza mugaati oba nedda. Ekyo tekikola njawulo gy'ali. Ye kitonde eky'omu Ggulu. Ye ta... talina na bimusiba wano,n'akamu. Ekyo bwe kiri. Teyefiirayo. Ka kibe kiki ekijja oba ekigenda. Ka bankolokote, bajerege. Ofaayo ki bw'ofiirwa ettutumu Iyo? Oli mu lugendo okutuuka mu Kitibwa! Aleruuya! Amaaso go gali ku Kristo, era oli ku lugendo lwo. Ggwe tofaayo ku nsi by'eyogera.

Ekyo Omwoyo Omutukuvu ky'Ali. Ye Maanyi. Ye nvumbo, Ye Mubeezi, Ye Muwolereza, ate kabonero. Oo, Owange! Bukakafu nti Katonda akufunye.

Budde ki bwe ntutte? Nsigazzaawo eddakiika munaana. Kale. Leka nze... Nninawo wano ebyawandiikibwa bingi. Sirowooza nti nsobola okuzikozesa obulungi, naye tugenda kugezaako nga- nga bwe tusobola.

Kati, omuntu bw'amala okujjuzibwa n'Omwoyo Omutukuvu, kisoboka okuyigganyizibwa n'ebintu ng'ebyo bimuzza ennyuma era Kati, tasobola kufiirwa, akyali mwana wa Katonda, era ajja kubeara ekyo, kubanga envumbo eyakuteekebwako yali ekoma ddi? [Ekibiina kiddamu nti "Okutuusa okununulibwa kwo. -Omuk.] Ekyo kituufu. Ekyo Baibuli kye yagambye.

59 Kale, Abayigirizwa nga bamaze okukubibwa, nga bajeregeddwa, basekereddwa, na buli kintu, baalowooza nti kaali kaseera okuddayoko bakunjaane wamu. Ka tugendeko mu Bikolwabyabatume essuula 4 olwo tulabe bo bwe.... Ekyabaawo. Kati kino kyammwe abamulina. Bikolwabyabatume essuula 4. Nga Peetero ne yokaana nga bamaze okukubibwa, bateekeddwa ne mu kkomera, olw'okuwonya kwe baalina wabweru w'oluggi lw'ekkanisa. Bameka abamaanyi ekyo? Waaliwo omussajja eyali agalamidde, nga mulema mu bigere bye. Yali tasobola na kutambula; ng'abadde mu ekyo emyaka ana. Awo Peetero n'ayitawo. Era n'agamba.... Ng'asitudde ekikopo kye ng'ayagala babeeko kye bateeka mu kikopo kye, olw'ekyokulya.

Peetero yalaga nga yali mubuulizi ajjuiddwa Omwoyo Omutukuvu, teyalina wadde ekinusu. N'agamba- n'agamba nti, "Ffeeza n'ezzaabu sibirina." Laba ng'ekyo yali takifaako. Naye yali kitonde eky'omu Ggulu. Oo, kale mulabe singa tubadde n'akaseera okugenda mu ekyo. Yali wamu Ggulu. Yali abeereddwa. Yalina Omwoyo. Yalina Amaanyi. Yasembera busembezi n'agamba nti, "Ffeeza n'ezzaabu sibirina, naye kye nnina kye Nkuwa."

60 Tewali kubuusabuusa, omusajja yagamba nti, "Ssebo, olina ki?

"Nnina okukkiriza. Waliwo kye nnina mu mutima gwange kimaze mu nze emyaka kkumi. Bwe nnali mu kisenge ekya waggulu, era mangu ago, ebisuubizo byonna Katonda bye yali akoze Nnali ntambudde ne Yesu Kristo okumala emyaka esatu n'ekitundu. Nnavubako Naye, nga tusika obutimba bw'ebennyanya. Nnakola n'ebintu bino byonna. Era nnali mmulabyeko ng'Awonya abalwadde. Nze.... Yabeeranga angamba nti, 'Kitange ali mu Nze; naye bwe Ndi genda, Ajja kujja mu mmwe.' Kale ekyo nga sisobola kukitegeera. Naye yagamba nti 'Kati Sibasuubira kubitegeera ebyo.'

Ebintu bino temubitegeera; mubifune bufuni. Kati ssinnabitegeera. Era temungamba nti mubitegeera; kubanga era temubitegeera. Mulaba? N'olwekyo, kino sikitegeera, sisobola na kukinnyonyola; wabula ke mmanyi, ekintu ekyo Kyo nkirina."

61 Kale, kale ogamba nti "ekyo tekiri mu Ssaayansi, Oo, mazima bwe kiri.

Tunuulira ebitangaala. Benjamin Franklin bwe yakifuna, yagamba nti "nkirina". Teyamanya kiki kye yalina, naye yakirina. Era njagala omuntu ambuulire amassannyalaze kye gali. Tebamanyi na kye gali naye

ate tugalina. amiina. Ekyo kituufu. Tewali muntu amanyi massannyalaze kye gali. Basobola okugassaako bussa, ne gaaka, ne gookya, ne gabaako bye gakola. Kyokka ga- gafulumizibwa ne genereeta, ebintu bibiri nga bikwataganyirizza wamu bityo. Ne kifulumya ekyo, ekyo kyokka bo kye bamanyi. Kijja kuwa Ekitangaala, era munda mukyo mulimu amaanyi.

Bwe kityo n'Omwoyo wa Katonda. Bw'ofuna ekitundu ekimu, ye ggwe, ate kiri ekirala ye Katonda; olwo byombi ne biryoka biddukanyizibwa awamu bityo, era kijja kukukolera ekintu ekimu. Ekyo bwe kiri. Kijja kukuwa Ekitangaala. Kijja kukuwa Amaanyi. Nga tomanyi na kiki kye kiri, era tolimanya kiki kye kiri; naye Iwe wakifuna wamanya. Ekyo ky'ekintu ekimanyiddwa mu mazima era kikyo. Kyo kikyo. Bwe bukakafu. Ekyo kituufu.

Ekitangaala ekyo kiraga ki? Waliwo obukakafu. Ky'ekitangaala.

62 Kati kino kyetegereze, tokimanyi kye Kiri.

Naye ne mbagamba nti, "Kale, baalisobodde.... Baayogera ekintu ekyo ekimu kye baali bamanyi, "tumanyi nti tebaasomako." abamu "Abazoole." nnyo abalala mulaba, ng'omuntu omu Omu German yagamba yali. Mulaba? Yagamba nti, "Baali tebamanyi kusoma ate nga tebaayigirizibwa nnyo. Naye baaliko n'Omuvubi Oyo, omubazzi oyo emmanga eyo, ayitibwa Yesu, ka mbabuulire bakola byennyini Yesu bye Yakolanga."

Ekyo Omwoyo Omukuku ky'Ali, ye Yesu nga abeera mu muntu omuvubi atalina ky'amanyi, omubazzi, na buli muntu yenna, Omubuulizi atalina ky'amanyi, na kiki kye kiri. Kiri eri omuntu ayagala okubeera nga talina ky'amanyi eri ebintu by'ensi, ate n'aganya Yesu okumuyingira, Omwoyo wa Katonda, akabonero, Omubeezi. Teyeefiirayo ku by'ettutumu; kyokka ky'ayagala ye Katonda.

63 Katonda bwe yali ateeka buli kimu mu kulunjnamizibwa, Yagamba nti, "Mmwe Abaleevi, mbayiseeyo mbafudde ba kabona. Ne bali baganda bammwe bona, ebika ekkumi n'ebibir ne... bali ebika biri ekkumi n'ekimu bagenda kubawanga ekimu ky'ekkumi."

"Bw'ofuna ebigeri mwenda ebya *apples*, Abaleevi obafukira ekigero kimu. Bw'oyisa endiga zo mu kisenge wano, londako ey'ekkumi. Sifuddeeyo ova nga ntono, ova ye nnene, nsava, ova nkapa, eyo ya Baleevi.

Kati, mmwe Abaleevi, bwe mufunanga bino byonna, nammwe mutooleko ekimu eky'ekkumi eri Mukama. Mukolenga ekiweebwayo eky'okuwuubibwawuubibwa, n'ebiwebwayo ebirala. Muwe Katonda ekimu eky'ekkumi.

Yagamba nti, "Musa, ku luuyi Iwo, Nze wuwo." Oo, owange! Yagamba nti, "Nze Mugabo ogukukkussa." Era ekyo Omwoyo Omukuku ky'Ali leero eri Ekkansa. Ffeeza n'ezzaabu sibirina, naye nnina omugabo ogukkussa. Aleruuya! Okusoma. Sisobola na kusoma kitabo kino, naye nnina omugabo ogukkusa. Kirungi ekyo. Ddiguli y'obusawo, sirinaako n'emu; ddiguli ya PhD ova eya LD ova ekintu kyonna ekirala. Naye waliwo ekintu kimu kye nnina, omugabo ogukkussa. Ekyo ky'ekintu kye nnetaaga. Era ky'Ekitundu Katonda ky'Ayagala obeere nakyo. Bino byonna ebikadde ssuula eri, ettutumu lyonna na buli kintu kyonna ekirala, fulumayo, ogende ofune omugabo gwa Katonda ogukkusa.

Kuba, by'ofunye ku nsi eno, ojja kubireka wano bw'olivaako. Naye bw'oba n'omugabo ogukkussa, olwo gujja kukutwala butereevo nga bwe mmanyi.

64 Tutera ennaku zino okufuna zi yinsuwa, olwa leero, okuyamba ba kazitwala. Ka tufune omugabo gwa Katonda ogukkusa, olwo tufune Kazigaba okusinga kazitwala. Omanyi nga byombi bikola.

Kale, leka tulabe.

... bwe babaleka okugenda eri ekibiina kyabwe....

Tebadda eri ba kabona. Mulabe, nga kyali kiraga nti baali baakirina. Tebadda mu ebyo ebikadde, abinnyogoze eby'emikolo nate, nedda; okuddayo bagambe nti, "Kati mulabeeyo kiki kye baatukoze!" Nedda, nedda. Baalina ekibiina kyabwe. Waaliyo nga kkumi na babiri eyo, era ekyo kyali kibiina ekimala, wadde nga baali bantu nga baalubatu.

.... bwe babaleka okugenda....

Nga bamaze okubakuba n'okubakangakanga, bagamba nti, "Bwe muddangamu okubatiza mu Linnya lya Yesu nate!" ova Oo, mbadde ntegeesa... Kirungi, bwe kiri. Mulaba? Bwe muddangamu okubulira mu Linnya lya Yesu, buli kye munaakola, tujja kubafuna!"

Ne baddamu ne bagamba nti, "Wuuu! okwo kutiisatiisa. Leka tugende eri Ab'oluganda bali abalala." Oo, eryo ly'ekubo. Mu bumu mulimu Amaanyi. Mu kwegatta mulimu amaanyi. Ne bagamba nti, "Leka tugende eri Ab'oluganda abalala, tulabe kiki kye tusobola okukolawo."

65 Bonna kati, baabawo wamu nga buli omu awa obumanyirivu obwenjawulo.

...bwe baateebwa ne bagenda mu kibiina kyabwe, ne bategeeza byonna bye bagambiddwa bakabona abakulu n'abakadde.

Nabo bwe baawulira ne bayimusa eddoboozi lyabwe n'omwoyo gumu eri Katonda....

Kati wulira kye bagamba. Mumutunuulire, mubatunuulire, tebaddayo kubagamba nti, "O...", ekintu ekimu ekirala nga "Ai Mukama, nsonyiwa nnyo...." Nedda. Baali balokolebwa. Baali bajjuzibwa Omwoyo Omutukuvu. Baalina obulamu Obutaggwaawo.

....ne bayimusa eddoboozi lyabwe... n'omwoyo gumu eri Katonda ne bagamba nti Ggwe Katonda, ...

Amiina! Ekyo nkyagala nnyo, Ow'oluganda Palmer. Ekyo nkyagala.

.... Ggwe Katonda (ekyo tukimanyi) eyakola eggulu n'ensi, n'enyanja n'ebirimu:

Ggwe mu kamwa k'omuddu wo Dawudi... Wagamba....

66 Kati weetegereze, ogenda kukomawo oyogere, "kati tetuli..." Kati fuluma ogambe nti "Kirungi, kati, Mukama, lindamukko akaseera katono wano. Munnange bansekerera nnyo!" Ye teyakyogera nti balyogera batyo?

Abo bona abatya Katonda ku bwa Kristo, baliyigganyizibwa."

"Kale, kati, mumanyi, Mukama wange yanjambye nti bw'alinkwata...." Tebaagamba nti baali baakwogera bwe batyo? "Kale, omanyi, luli baantwala ne mu kkooti ku lw'ekyo."

Teyanjamba nti "Mulireetebwa mu maaso ga bakabaka n'abafizi, olw'erinnya lyange. Temwebuzanga kye munaayogeranga, kubanga ssi mmwe aboogera"? ekyo nnakirabyeko jjo nga kibeerawo. "Ye Mwoyo Omutukuvu Atuula mu mmwe, Ye y'Ayogera." Mulabe, "Ye." Ekyo kituufu. Bwe kiri. "Temwebuzanga kye munaayogeranga"

67 Mukama olwa... ggwe muka...kamwa k'omuddu wo Dawudi Wagamba nti Abamawanga kiki ekibeesazisa akajegere, n'ebika birowoozezza ebitaliimu?

Bakabaka b'ensi basimba ennyirira, n'abakulu bakuŋjaanira ku Mukama ne Kristo we.

Kubanga mazima bakuŋjaanira mu kibuga muno ku mulenzi wo omutukuvu Yesu gwe wafukako amafuta, Keerodde ne Pontio Piraato wamu n'abamawanga n'ebika bya Isiraeri,

Bakole byonna omukono gwo n'okuteesa kwo bye byalagira edda okubaawo

Oo, owange! Ekyo nkyagala. "Mukama, bakolera ddala kye Wagamba nti kye bajja okukola. Baibuli yagamba etya?

Mu nnaku ez'oluvannyuma, walijja abasekerezi, nga beeyagala bokka, abaagala essanyu okusinga Katonda;

.... Abataagalana, abawaayiriza, abavumi.... abanyooma abo abalungi

Nga balina ekifaananyi ky'okutya Katonda naye nga beegaana ...

Tebaayambuka kufuna Maanyi "Omwoyo Omutukuvu bw'Alimala okujja ku mmwe."

Nga balina ekifaananyi eky'okutya Katonda, naye nga beegaana amaanyi gaakwo: era nabo obakubanga amabega.

Ekyo Omwoyo Omutukuvu ky'Ali. Mulaba?

... obugumu.... okukikola

68 ... kaakano, Mukama, laba okukanga kwabwe: era- era owe abaddu bo bagume nnyo okwogeranga ekigambo kyo,

Oo, ekyo nkyagala! Ggyawo olugumbagumba olwo era ofune olukizi olwa nnammaddala munda omwo. Kati weetegereze wano.

...tusobole okwogera ebigambo byo,

Bw'ogolola omukono gwo owonye

[Oo, Ow'oluganda! Dayimooni tafa, n'Omwoyo Omutukuvu naye bw'atyo. Mulaba?]

.... *bw'ogolola omukono gwo owonye.....nti obubonero, n'ebiyamagero bikolebwenga mu Linnya lya mulenzi wo omutukuvu Yesu.*

Olaba kye baali balwanira, ate ggwe? Bakola ekintu ky'ekimu n'olwa leero, naye tekirina kalungi kekikoze.

Bwe baamala okusaba, mu kifo we bakunjaanira ne wakankana; bona ne bajjula Omwoyo Omutukuvu, ne boogera ekigambo kya Katonda n'obugumu.

Wuuu! Abange! Baliko kye baafuna bwe baayambuka waggulu eyo, ssi bwe kiri? Ekisuubizo bwe kigambye Omwoyo Omutukuvu ekyo ky'Ali, okukuwa obugumu, okukuwa okubeerwa, envumbo gy'oli, okukuwa akabonero. Oo, owange!

69 Wuliriza. Oo, kale singa tubadde n'akadde, twaliserengese ne Firipo eri Abasamaliya. Bikolwa 8:14; naddala mmwe mwenna abali mu kukiwandiika. Baali bafunye essanyu ery'ekitalo, baali baabaddde n'okuwonyezebwa okw'amaanyi, naye nga baali babatiziddwa bubatizibwa okuyingira mu Linnya lya Mukama Yesu Kristo. Kale ne batumya e Yerusaalemi okufuna Peetero; n'akkirira emmanga eyo n'abassaako emikono, ne baweebwa Omwoyo Omutukuvu. Bikolwabyabatume 8:14

Abamawanga, waaliwo omu ayitibwa Koluneeriyo. Yali musajja mulungi, eyawanga ekimu eky'ekkumi, ng'azimbira abantu zi Sinaagooga, ng'assaamu Katonda ekitiibwa, ng'atyia Katonda; muntu mulungi, mu Pulesibeteriyani, mu Mesodisiti, mu Baputisiti mulungi, oba ekintu ekirala kyonna, mulabeeyo, omuntu omulungi ennyo. Naye olunaku lumu, Katonda yagamba nti, "Muntu mulungi; n'olwekyo njenda kumusindika mu lukuunjaana. Nnina okufuna omubuulizi wange wano nklimugambeko."Kituufu.

Awo, n'alaba okwolesebwa, n'amugamba nti, "Genda e Yopa, ojja kusangayo omuntu ayitibwa Simooni, omuwazi w'amaliba. Waaliyo eyo omuntu, Simooni Peetero. Leka ayambuke ajje wano; ajja kukubuulira ekkubo, kuba aliko kye yafuna."

70 Peetero bwe yali ng'ayimiridde eyo... era Koluneeriyo yali agenda kusinza omubuulizi oyo. Yali. Naye Peetero yagamba nti, "Yimirira. Nange ndi muntu nga ggwe."

Peetero bwe yali akyayogera Ebigambo bino," nga bwe baddayo mu lubereberye, ng'atandikira ku.... ebintu byennyini bye njogerako, engeri Katonda bwe yasuubiza okufuka Omwoyo Omutukuvu. "Bwe yayokyayogera Ebigambo bino, Omwoyo Omutukuvu n'abagwako." Wuu! Yee. Ekyo Omwoyo Omutukuvu ky'Ali, eri oyo gy'Ateekeddwa. Ddala. "Bonna ne balyoka bajjula Omwoyo Omutukuvu."

Kati weetegereze mu Befeeso, waaliyo Ow'oluganda Omubaputisiti. Mu kusooka yali Muwolereza wa misango, omuyonjo, omusajja omugezi, amanyi etteeka; musajja wa kitalo, tuyigirize. Lumu yali asoma Baibuli, era nga yali akizudde nti waaliwo eyali ow'okujja nga ye Masiya. Olwo bwe yakola bw'atyo, Iwaki, n'atandika okuwulira ku Yesu ono, awo n'agamba nti, "Ndi mumatuwu. Era njatula mu Iwatu okukkiriza kwange nti Yesu ye Kristo, Omwana wa Katonda." Yali Mubaputisiti ddala. Kale wuuno ajja, "Njatula mu Iwatu nti Yesu ye Kristo." Yakikolanga okutuusa Mukama Iwe yamuyita ne mu buweereza. Katonda ajjanga kwogeranga eri omutima ogw'amazima.

71 Era waaliwo nnamukadde omukozi wa weema emmanga eyo erinnya lye Akula ne Pulisikira, omwami n'omukyala. Baali bakozi ba weema. Bikolwabyabatume essuula eye 18, b'eyogerako. Baali mikwano gya Paul. Baali baweeddwa Omwoyo Omutukuvu nga Pawulo y'abateekako emikono n'okubayigiriza.

Ne bawulira nga waaliyo eyo okudda obuggyga, ne bagendayo. Mwalimu nga kkumi oba kkumi na babiri abaakwetabamu. N'olwekyo n'agendayo okubalaba, era n'awulira Omubuulizi ono ng'abuulira, obwesimbu bw'omutima gwe. N'agamba nti "Mumanyi nti nzikiriza nga yali asobola okuwuliriza Amazima."

Okusaba bwe kwali kuwedde, n'amuyita emabega wa weema n'amugamba nti "Labayo tulinayo muganda waffe omutono engulu eyo, wa nnyindo mpanvu anti Muyudaaya, kale, singa ajjayo eno, agenda kukuyigiriza ekigambo kya Katonda mu ngeri ennyangu." Kale, oluvannyuma Iw'akaseera...

72 Mu kiseera ky'ekimu, Pawulo yali mu kkomera. Ekifo ekibi eri Omubuulizi w'omulembe omugunjufu. Si bwe kiri? Naye yali mu kkomera era ne Mukama n'amuleka eyo. Kati musisi bwe yayita, n'anyenya ekkomera, yatwala omukuumi w'ekkomera n'ennyumba ye yonna n'ababatiza, mu Linnya lya Mukama Yesu, n'avaayo n'ajja eno.

Kale yali amaze n'okugoba ku kawala omuzimu ka namukadde akaali kulagula. Era baali nga bakakolamu ssente nnyingi nnyo, kati bwe yabaanika obubbi bwabwe, ne bamukwata ne bamuggalira mu kkomera. Ne Mukama n'anyenya ekkomera, olw'okuba nga Yalinayo abantu eyo abaalina okuwulira Amazima. Tosobola kusiba Kigambo kya Katonda. Waliwo.... Si nsonga, tekisobola. Tosobola kukikola.

73 Kale, n'alyoka ajja omusajja ono gye yali. Akula ne Pulisikira, oba oli awo baalinawo buttoosi bw'omugaati okuli n'akanyama. Bwe baamala okubulya, ne bagamba nti, "tujja kugenda mu lukuunjaana olw'okudda obuggyga."

Pawulo n'atuula emabega eyo n'omunagiro gwe omutono, n'awuliriza Omubaputisiti ono ng'abuulira. N'alyoka agamba nti, "Ebyo by'obuulira birungi, naye waliwo Ekibisukkulumako." N'agamba nti, "Njagala kukubuuzaayo ekibuuzo Dr. Apolo. Waweebwa Omwoyo Omukuku bwe wakkiriza?" oo, n'alyoka agamba nti, "Tetumanyi nga waaliyo n'Omwoyo Omukuku. Otegeesa ki n'Omwoyo Omukuku'? ffe tuli ba Baputisiti.

N'agamba nti, "Mumanya mutya nga muli ba Baputisiti?" Mulaba? "Kale, twabatizibwa. Okubatiza kwa yokaana kwokka kwe tumanyi." N'alyoka abagamba nti, "Ye yabatiza okubatiza okw'okwenenya ng'ababuulira 'bakkirize oyo Agenda okujja' ye Yesu Kristo."

Era bwe baawulira kino, ne baddamu ne babatizibwa mu Linnya Lya Yesu Kristo. Awo Pawulo n'abateekako emikono, Omwoyo Omukuku n'Abakkako, ne boogera ennimi ne balagula. Kati Ye agamba nti, "buli,"

74 Kati.kati, ffe tukikola tutya? Waliwo kye njagala okubabuulira, olwo MBA.... Tujja kumaliriza, kuba, ekyo, nnabagambye nti nya kubata nga bukyali. Mumanyi Omwoyo Omukuku ky'ali. N'ekyawandiikibwa ekisembayo olunaku Iwa leero... Nninawo wano ekinywa ekirala, naye tujja ku bibuuka ebyo. Ka tukyukireko mu Bakkolinso Ekisooka 12. Era tujja kukisoma kino, olwo tu- tujja kumaliriza. Kirungi. Bakkolinso Ekisooka essuula eye 12.

Bameka abakkirirza mu kuyigiriza kwa Pawulo Omutume? [Ekibiina ne kiddamu "Amiina". -Omuk.] Mazima ddala! Yagamba mu Baggalatiya 1:8, "Malayika bw'ayigiriza eky'enjawulo, akolimirwenga," Omubuulizi mumuleke. "Singa malayika okuva mu Ggulu ajja n'ayigiriza ekintu eky'enjawulo, akolimirwenga." Laba, talina ky'alina kukikolako.

Kati wekkaanye kino, Abakkolinso Ekisooka 12.

75 Ba- bameka abakimanyi nti tulina kubeera mu Kristo okusobola okugenda mu kuzuukira, kubanga ssi mubiri Gwe Katonda gwe yasuubiza okuzuukiza? [Ekibiina kiddamu "Amiina". - Omuk.] Tewaliwo kkubo ddala. Tewaliwo kkubo ddala lyonna, kasita obeera wabweru wa Kristo.

Osobola n'okutunulako emabega *wano* n'ogamba nti Mmukkiriza, ng'ogamba nti "Mazima ddala, Nze mmukkiiza. Ye Mwana wa Katonda." Kirungi, muganda wange, ndi mwetegefu okukusikako ne mu mukono bw'onokyogera ekyo "Mmukiriza. Nja kumwatula ng'Omulokozi wange." Ekyo kirungi naye tonnaba kubeera mu Ye;. "Nja kusika Omubuulizi mu mukono. Nja kwatula ebibi byange." Era nga toli mu Ye.

76 Kaakano weetegereze, olabe Pawulo kye yagamba, engeri gy'oyingira mu Kristo. Ogenda kumanyibwa otya ggwe Ibulayimu nti wakomolebwa? Baamuwa kabonero. Kati kino kiwulirize, Abakkolinso Ekisooka, essuula eye 12 era ka tutandikira ku lunyiriri lwe 12.

Kubanga omubiri nga bwe guli ogumu ne guba n'ebitundu ebingi, n'ebitundu byonna.... newankubadde nga bingi, gwe mubiri gumu; era ne Kristo bw'atyo. (Tayawuddwamu. "Omu")

Wuliriza. "Olw'ekkanisa emu"? Bameka abasoma bangoberera? "Olw'okusikagana mu mukono okumu"? "Olw'amazzi agamu"? Nedda. Olwo omuntu omu mukyamu.

"N'Omwoyo omu!" Kiri mu nnukuta za kyapa? "Omwoyo Omukuku," awo mukirabye?

...n'Omwoyo omu ffenna twabatizibwa okuyingira mu mubiri gumu, oba Bayudaaya oba Bayonaani, oba baddu, oba ba ddembe, ffenna ne tunywesebwa mu Mwoyo omu

77 Omubiri gwa Kristo Mwoyo gumu, buli kitundu, okuva ku Pentekoote okutuusa leero, kinywa mu Nvinyo y'emu empya, Omwoyo y'omu, ng'afulumya ebintu by'ebimu. Tukikola tutya? "Na Mwoyo omu."

Lwe luggi Iwa Katonda oluggule, Omwoyo Omukuku. Kye ki? Lwe luggi Iwa Katonda oluggule. Ke kabonero. Ye Mubeezi. Ye Muwolereza. Ye Bukakafu. Ye Kiwummulo. Ye Mirembe. Ye Obulungi. Ye Kuwonyezebwa. Ye Ye Bulamu. Lwe- lwe luggi Iwa Katonda oluggule eri ebintu bino byonna. Lwe-lwe luggi Iwa Katonda oluggule eri Kristo, olwo olu....

Katonda yakikakasa bwe yazuukiza Yesu okuva mu bafu, era n'abo abafiira mu Kristo Katonda Alibaleeta bw'atyo, ku bwa Yesu wamu Naye mu kuzuukira. "Temunakuwazanga Omwoyo Omukuku eyabateesaako envumbo mu Kristo okutuusa okununulibwa kwammwe." Wuuu! Bameka abakikkiriza ekyo? [Ekibiina kiddamu "Amiina." -Omuk.]

78 Kristo kye ki? Omwoyo Omukuku kye ki? Si ky'ekintu abantu kye basekerera. Ky'ekintu abantu kye basekerera; naye tekiri eri mukkiriza.

Eri Atakkiriza! Kale, singa mbaddeyo ne wiiki nga bbiri oba ssatu, nnandiyagadde okukozaesa ekiro ky'enkyo mbategeze ky'Ali eri Atakkiriza. Leka mbiyitemu lukwakwayo, mu kaseera katono. Kisekererwa. Mutego. Kya kwesittalako. Kufa. Kwawukanira ddala ne Katonda. N'ebimu by'ali eri Atakkiriza sisobola na

kubirowoozaako!

Mujjukire, enkuba y'emu abatakkiriza gye bajereegerera ye yalokola Nuuwa n'ababe. Mulaba? Omwoyo y'omu, Omwoyo Omutukuvu abantu gwe bajerega ne bamuyita "mulalu," muzoole era batabufu ba mitwe," ekintu ky'ekimu Ekirkwakkula ekkanisa okugirinnyisa mu nnaku ez'oluvannyuma; kireetere omusango atakkiriza. Ekyo kituufu. Ekyo Omwoyo Omutukuvu ky'ali.

Balina omukisa abo... Leka Njogere kino n'obwesimbu bw'omutima gwange. Balina omukisa abo Abakirumirwa enjala era ne bakiyontawalira kubanga balikkusibwa.

79 Enkya ekiro tugenda kwogera ku ngeri ki, kiki ky'akola bw'ajja.

Bameka munda wano nga mwandyagadde okuweebwa Omwoyo Omutukuvu era ng'oyagala wabeewo akusabira, osobole okulaba Ekitangaala?

Omanyi "Kye kiri."

Kati ekiro ky'enkya tugenda ku kwata ku "Kiki ky'akola."

Ate ekiro ekinaddako, ku "Mmufuna ntua?" olwo tuyita abantu tubabuulira eky'okukola, era bagenda mu bisenge babeere omwo, ne bwe kinaatwala ekiseera ky'Amazaalibwa kyonna, ekyo kituufu, okutuusa ng'Omwoyo Omutukuvu azze. Tugenda kukigendako mu ngeri ya butegeevu, ku musingi gwa Baibuli. Tugenda kukigendamu tusobole okumufuna nga Katonda bwe yamusuubiza era n'Akka ku luberyeberye. Eyo y'engeri gye tugenda okukolamu wano. Nze- tekikola njawulo yonna gyendi omuntu yenna ky'ayogera, tuli....

Ekigambo kya Katonda kiri...kirina obukulu munda mu mutima gwange. Ekyo kituufu. Nze njagala ekyo Katonda kyalina ekyange. Bwe wabaawo ekisingawo, ggula Eggulu, Mukama, kuba omutima gwa-gwange gwe ggudde ku Iwakyo. Ekyo bwe kiri.

80 Bameka abakyagala? Kaakano golola omukono gwo ogambe nti, "Nsabira." Kale nga n'emikono gyammwe gikyali waggulu.

Kitaffe ow'omu Ggulu, tusomeserezza ekiseera ekiwanvu. Naye Omwoyo wo ali wano. Emikono giigyo mu bbanga kati. Era bamanyi kye kiri, bamanyi kiki Omwoyo Omutukuvu ky'Ategeeza. Katonda wange, nsaba, olukuunjaana luno nga terunnaba kuggwa, emikono egoy gyennyni giwanikibwe nga bamufunye. Kituwe Mukama.

Tubasabira. Tusaba obawe omukisa, era n'okubawa okwegomba kw'emitima gyabwe. Labayo emikono gyabwe, Mukama. Bakwagala. Bakyagala. Bo bamanyi nti tebasobola kugenda.... Mukama, kiro ky'enkya bw'ononnyamba, tujja kukikakasa mu Byawandiikibwa nti tebasobola kugenda mu Kukwakkulibwa nga tebamulina. N'olwekyo, Kitange, nsaba nti ogenda kubawa abo abalina enjala n'ennyonta, basobole okukkusibwa. Kitange, mbanjula gy'Oli kati. Era tuwe emikisa gino ga bwe tukisaba mu Linnya Lya Yesu, Amiina.

81 Mmwagala Ye, Mmwagala Ye

Kuba Ye yasooka okwagala okunjagala

N'angulira obulokozi

Ku muti e Kalivaaliyo

Ka njogere kino nga tetunnadamu kuyimba. Njagala nsisinkane n'abamu ku bawereera mu kisenye wano, ekiro ky'Olwokutaano, ng'okusaba tekunnaba, tulabagane ku Iw'Okutaano ekiro. Nze...

Mulaba kye ngezaako okukola? Okubalaga kiki ky'Ali, engeri y'okugenda gy'Ali, okumussaamu ekitiibwa; olwo nga tojja nga muzibe, awuunawuuna. Y'ensonga Iwaki ssikibuuzizza leero. Njagadde mmwe okumanya kiki ky'Ali. Kisubizo. Ye Nvumbo. Ye Mubeesi. Na buli kimu kyonna.

Olwo enkya ekiro, n'ekiro ekinaddako, olwo tujja kutandikira awo wennyini, okuva awo tweyongereyo, okutuusa ng'Azze. Tofaayo obanga kinaatwala bbanga lyenkana ki; tujja kuberawo okutuusa. Longoosa omutima gwo. Tajja kukifuka mu mutima ogutali mulongoofu. Weetereeze, weetegeke, naye ajja kukikuwa.

Mmwagala Ye, Mmwagala Ye (Ka tuwanike ku mikono gyaffe kati)

Kuba Ye yasooka okwagala nze

N'angulira obulokozi

Ku muti e Kalivaaliyo.

82 Omusumba yaakamala okunjamba era naffe ne tukkaanya nti enkya ekiro tugenda kutandika ssaawa emu mu kifo ky'essaawa emu n'ekitundu. Ekyo kinsobozese okubata ku bbiri kitundu mu kifo ky'essatu ekitundu. Emu kitu.... ku ssaawa emu enkya ekiro, okusaba kw'okuyimba kujja kuba kutandika. Mbeere ku bubaka bwange ku ssaawa emu n'ekitundu.

Mmwagala Ye

Ka tuggyeyo obutambaala bwaffe tumuwuubireko

Mmwagala Ye

Kati entambuza y'obulamu bwo ey'emikolo gikutule kati!

Kuba Ye yasooka okwagala nze

N'angulira obulokozi

Ku muti e Kalivaaliyo

Kirungi, kati eri Ow'oluganda Neville, omusumba wammwe.



www.messagehub.info

Byabuulirwa

William Marrion Branham
"...mu nnaku z'eddoboozi..." Kub. 10:7